



03937

潛菴湯大司空遺

稿序

襄陵潛菴湯先生  
學術師洙泗政事  
慕唐虞發爲文章

閣序

應規中矩心和而  
氣平一代偉人也  
余景行之有素已  
未歲始相見於  
朝端得一謀面而先



生出入金閨行有  
尺寸歸卽閉門著  
書修明史日課數  
紙以爲常凡飲食  
宴樂之會不與以  
是獨受知於

閣序

二

聖主一歲三遷晉閣學

贊襄密勿人以爲  
景星慶雲得覩之  
爲快遂膺

特簡出撫江南江南  
之人如旱之有霖  
暵之有蔭赤子之  
有慈母迄今俎豆  
之謳思之不忘未

圖序

三

幾以宗伯召入掌  
詹事遇益隆操益  
勵巖巖侃侃不比  
不阿旋晉大司空  
卒於京邸閱明年



余奉命撫豫駐省會距先生之居不二百里屢思登堂瞻眺其讀書樂道處以職

閩序

四

守未能已已三月因視河之便始至錦襄而先生之靈輻尙在故廬蕭然四壁余進而展拜

俯仰泣下及回署  
乃遣役束生芻致  
祭適嗣君以遺稿  
五卷見投整衣冠  
莊誦先生之聲音

閻序

五

性情歷歷在於紙  
上則見夫雍容端  
肅如大臣之垂紳  
正笏而立於朝也  
則見夫莊恭靜穆



如君子之齋居淵  
默而行於庭也則  
見夫和平怡懌如  
賢人之詠歌風舞  
而悠然自得也則

閻序

六

見夫堅毅剛栗如  
大將之步伐止齊  
而刁斗無譁也其  
凝以厚者如山之  
峙其迅以疾者如

水之流其紆徐而  
含蓄者如太古之  
琴疏越而遠聞其  
條暢而通達者如  
康莊之路交馳而  
直進沉酣乎濂洛  
而不畸咀味乎韓  
歐而不肆美矣備  
矣文章之能事盡  
矣然先生未嘗以



文自耀也欲使天  
下受其福而我寧  
居簡嘿之名欲使  
後世宗其行而不  
矜著述之富其文

閻序

八

之傳者蓋時至而  
物生氣升而籟應  
合天地之自然者  
而已抑余有感焉  
三代以下所謂立

德立功立言能以  
一身兼之者誰哉  
顏曾不遇絳灌無  
文馬班潘陸言卽  
傳焉而德與功無  
足述者至若先生  
其德則珪璋也其  
功則鐘鼎也其言  
則麟之炳而鳳之  
翮也天生



聖君必生一代之臣以  
佐之先生弱冠登  
朝仕十年而隱隱二  
十年復被

徵

問序

十

王恩優渥一德一心人

莫能間雖天奪先  
生之速然如先生  
之得

君不可謂不遇矣因讀

斯集而併及之亦  
以慰先生於九原  
也

康熙二十九年歲  
次庚午季冬

閻序

十一

巡撫河南等處地  
方提督軍務兼理  
河道都察院右副  
都御史加四級年  
家弟宣鎮閻興邦




拜撰





閣序

士



拜撰



湯大司空遺稿序

田蘭芳

箕山

論君子者貴求之於其大尤貴求之於其深大者迹也古今來功蓋天壤言垂萬世人人可指而稱愛而傳所謂放之彌六合者是也若夫所以運此功之機發此言之本淵乎其不可測也邈乎其莫之禦也斯不謂之甚深甚深者乎在昔孔子之聖僅見行道之端於攝政之三月正田序

一

叔元晦卒未獲大用於當世顏淵閔子騫終身修德求所謂著書立說以惠來世無有也將以功之未成因病其機爲未神言之未立遂疑其本猶未裕乎千載而下無不信孔子程朱所以不有其功者特有以抑之爲斯世斯民之不幸未嘗不爲之齋咨而涕洟於顏閔之無言則知其培擁根本之詣遠而未暇及耳然則得其培擁之裕而契其運用之神者豈有他哉亦惟於



已試之功偶形之言紬繹之以抽其緒推究之  
以窮其涯深者既得而大者未竟不過時命不  
齊與夫望道未見之心豈其果有所弗逮也哉  
吾里大司空潛菴湯公君子也方入小學卽以  
聖賢之學自力自筮仕後卽以行其所學自命  
嘗小試於關陝嶺徼而效解組歸田年未四十  
輒抱無悶之志日取先儒諸書而熟覆之更就  
正孫鍾元先生於夏峯久之表裏洞徹同異貫  
田序

通然冲默自居卒不敢自名一說及爲魏蔚州  
所推轂受知

聖

主寤寐吾道之行在史局則嚴是非在講筵則  
恭啟沃撫江蘇無念不以民生爲先導 青宮  
無事不以養正自效疊疊焉必不願就三代以  
下之功名人或迂之忌之以禍患怵之不少沮  
也及公卒天下之人知與不知皆曰湯公不死  
吾民其康乎天下之士知與不知皆曰湯公不

死吾道其昌乎孰非以其必欲行決其能行於  
其不敢易言信其能言乎其不然者則公之不  
克自主與公所有待而不欲遽出耳公卒之三  
月其子溥搜得常所迫不得已者凡爲詩文若  
干卷在史局有明史藁若干卷在蘇州有奏疏  
若干卷屬余是正而刊之公之爲德爲民垂世  
立教之蘊亦可考見於是編矣讐校旣竟各綴  
數語於篇末蓋以知公之深聊以質公於幽而  
田序

三

大者不得盡見於世之故則又余之雪涕無從  
也

乾隆九年

曾孫定祥補刊



潛菴先生遺稿卷之一目錄

序

擬 御製大清會典序

理學宗傳序

孫徵君先生文集序

菽山劉先生文錄序

贛州府誌序

睢州誌序

孝經易知序

潛菴先生遺稿 目錄

劉山蔚詩序

蔡氏族譜序

唐成齋制義序

黃庭表集序

西澗集序

楊彭山春望詞序

雪亭夢謠序

西山唱和詩序

送魏蓮陸歸保定序

送宋敦仲分司顛關序

送汪檢討奉使琉球序

惠母陳太君七十壽序

徵君孫先生九十壽序

重建六忠祠募緣序

賀王叔平進士序

記

睢州移建廟學碑記

重修蘇州府儒學碑記

潘菴先生遺稿

目錄

潼關衛儒學重建啟聖祠記

嵩陽書院記

慶都縣堯母陵廟碑記

重建漢太尉楊公饗堂碑記

潼關樓刻詩記

重修乾明寺碑記

田烈姪孫氏殉節碑記

重修中州會館記

重建佑陵君祠記



星聚堂記

石塢山房圖記

三聖廟碑記

潛菴先生遺稿

目錄

三

三聖廟碑記

石塢山房圖記

星聚堂記

潛菴先生遺稿卷之二目錄

書

上孫徵君先生書

在內黃寄上孫徵君先生書

上徵君先生書

再上孫徵君先生書

與田箕山書

答田梁紫書

與劉心周書

潛菴先生遺稿

目錄

答褚懷萬書

上郡守宋公書

上糧道張爾成公祖書

與管河郡判馮公書

答耿亦夔書

答耿亦夔書

又答耿亦夔書

答施愚山書

答姚岳生書



與耿逸菴書

答姚岳生書

與李襄水書

答廣文魏聞野書

答張仲誠書

答李襄水書

再答姚岳生書

答耿逸菴書

答耿逸菴書

潛菴先生遺稿

目錄

答顧寧人書

與田簣山書

與田簣山書

答田簣山書

上總憲魏環溪先生書

答劉叔績書

與劉叔績書

答黃太冲書

與黃太冲書

答陸稼書書

答友論學書

答閩撫金棟存書

與楊筠澗書

與王抑仲書

與杞縣令書

答沈芷岸書

答王世兄書

與魯敬侯書

潛菴先生遺稿

目錄

答孫屺瞻侍郎書

辨

春王正月辨



潛菴先生遺稿卷之三目錄

賦

璿璣玉衡賦

金臺懷古賦

懋勤殿賦

長白山賦

論

二十一史論

十三經注疏論

潛菴先生遺稿

目錄

傳

明兩浙運使倣轅張公傳

樊隱君傳

王氏五節烈傳

廣西叅議戴公傳

處士孫君傳

封庶吉士李公傳

墓誌

陝西延安府靖邊同知陳公墓表

文學勿兆吳君暨姚孺人合葬墓誌銘

拔貢彥公趙君墓誌銘

江南鎮江府海防同知冉渠吳公墓誌銘

徵君孫鍾元先生墓誌銘

前兵部尚書湛虛張公墓誌銘

砥園施先生墓誌銘

翰林院侍讀愚山施公墓誌銘

翰林院提督四譯館太常寺少卿王君墓誌銘

封文林郎翰林院庶吉士余君墓誌銘

潛齋先生遺稿

目錄

八

封中憲大夫陝西按察司副使先考府君行實

贈恭人先妣節烈事狀



潛菴先生遺稿卷之四目錄

雜文

粵西平露布

藉田頌

勸賑頌

續地議

題一樂堂卷

題趙憲清卷

徵君先生詩卷跋

潛菴先生遺稿

目錄

省齋詞跋

孫徵君先生像贊

王山史像贊

毛會侯戴笠垂竿圖像贊

同門公建徵君孫先生夏峯祠堂啟

四書淺說小引

華嶽祈雨文

祭孫徵君先生文

祭同年施愚山文

遵 旨進所著詩文記事

語錄 附

志學會約 附

潛菴先生遺稿

目錄

十

志學會約

語錄

遵旨進所著詩文記事



潛菴先生遺稿卷之五目錄

詩

詠史

夏日詠懷

金陵別姜西溟

贈李映碧先生

三首

題張鞠存見示鄉賢合祀傳

送黃俞邵聞訃南歸

賦得黃花晚節香

潛菴先生遺稿

目錄

送陳別駕

長安春日行

祝總憲魏老先生壽

送富雲麓請假歸閩

汪鈍翁六十初度

祝王農山暨姚夫人雙壽

順治九年七月二十日 上駕親出郊外諭遣

定遠大將軍敬謹親王及諸將南征應制

中秋蘿翁齋中讌集

省耕

應詔 御試恭紀四十韻

院中宿直八韻

送林玉巖奉使琉球十二韻

中秋陸處實同年留飲齋中和吳見未韻 二首

寄示兒溥 二首

西湖聽莊蝶菴彈琴

送陳別駕之南陽

家居感懷 五首

潛菴先生遺稿 目錄

立春

春霽友人以詩相投書此謝之

春日卽事

春日感懷兼呈仲方

崇禎壬午闖寇破寧陵文學翟先生仗節死之

今督學使採輿論祀之鄉賢余感其事聊述

短章紀之

新秋雨後抑莊西齋讌集

飲張爾成少叅署中



送王去非督學江西 二首

送張少參內召 二首

贈湖州吳太守 二首

贈吳再渠少府 二首

贈何雍南華 二首

京口贈友人

錫山別賀天士

東林寺 二首

送李襄水赴楚幕

潘菴先生遺稿 目錄

戊午應召入都留別里中親友 二首

途中苦雨

長垣北十里學堂岡有夫子廟相傳四賢言志

處

送李子德奉旨歸養 二首

辛酉二月初侍講筵紀事 二首

擬上賜大臣遊溫泉詩 四首

覩金悚存侍郎

送王子言請假歸省

贈柯素培右通政 二首

人日和郭快圃作次韻

題畫

題觀音像

西來菴題壁

西來菴贈水齋上人

戲贈

贈懷慶太守 二首

詩餘

潛菴先生遺稿 目錄

賀新郎 秋思

滿江紅 後池千葉蓮盛開漫賦

千秋歲 八月十六日夜翫月

滿庭芳 秋日閒居



潛菴先生遺稿卷之一

睢州湯

斌濟

宣鎮閻梅公甫評定

同里田蘭芳簞山較

擬

御製大清會典序

順治壬辰七月御試

朕惟一代之創興必明一代之制度蓋紀綱倫敘千載維同而規模品式累朝各異自唐虞以來典謨大備商著風愆用儆有位周垂官禮具訓百工莫不煌煌巨麗於今為昭然道取稽古政貴因時近代惟明本朝所監其設官分職原本古昔權殺於漢而董正之綱維自定員省於唐而職任之貫理甚周祿涼於宋而蠲復之恩禮愈渥宏謨曲筭可謂博大精詳矣

潛菴先生遺稿

序卷之一

一

詔修大明會典閻六年而告成其後因時損益每進有治人而無治法不信加詳制度文為於焉稱備使其臣工克遵罔替何難然與彷彿殷周比隆虞夏哉朕於萬幾之暇時一披覽因念本朝受

命九載於茲而典則不章臣隣罔守朕甚慙焉用是  
特命諸曹纂輯舊章別類編文分年記政以官聯部  
署爲綱以事物儀文爲目同異兼晰而無因革難通  
之患巨細均該而有本末咸宜之美法則折衷於前  
朝謨訓聿彰於昭代誠致治之良猷實萬年之金鑑  
嗚呼法難明而易昧民難安而易危寅恭協應勿持  
祿以養交成憲是遵罔紛更而多事使百姓聞令而  
心服則朝廷無爲而日尊百爾君子尙其敬哉世世  
子孫尙其敬哉

潛菴先生遺稿

序  
卷之一

二

綱舉目張體裁宏整真典謨訓誥之文

梅公

有典有則儼如元公周官洛誥等篇真得代言之

體



理學宗傳序

天之所以賦人者無二理聖人之所以承天者無二

學蓋天命流行化育萬物秀而靈者為人本性之中

五常備具其見於外也見親則知孝見長則知弟見

可矜之事則惻隱見可耻之事則羞惡不學不慮不

良人固無異於聖人也惟聖人爲能體察天理之本

然而朝乾夕惕自強不息極之盡性至命而操持不

起日用飲食之間顯之事親從兄而精微遂至窮神

知化之際蓋其知明處當乃吾性中自有之才能參

稽菴先生遺稿卷之一

大贊化亦吾性中自有之功用如其本性之分量

而非有加於毫末也堯舜禹之聖受曰人心惟危

道心惟微惟精惟一允執厥中其為教之目曰父子

有親君臣有義夫婦有別長幼有序朋友有信此聖

學之淵源王道之根柢也由湯文武周公孔子以至

顏曾思孟成已成物止有此道在上在下止有此學

秦漢而後道喪文敝賴江都文中昌黎奮其端緒至

濂溪周子崛起春陵直接鄒魯志張邵朱以至陽明

雖所至或有深淺氣象不無少異而中所自得心心

相印針芥不爽。蓋道之大原出於天，天不變道亦不變。苟得其本心之同，然則千百世之上，千百世之下，固無異親。授受於一堂者矣。如高曾祖講明作書命題之可禰與嫡子，嫡孫精氣貫通，譜牒昭然而旁流支派，雖貴盛於一時，

而不敢與大宗相抗，蓋誠有不可紊者在也。近世學者，或專記誦而遺德性，或重超悟而畧躬行，又有爲儒佛合一之說者，不知佛氏之言心言性，似與吾儒相近，而外人倫遺事物，其心起於自私自利，而其道不可以治天下國家。吾儒之道，本格致誠正以爲修

潛菴先生遺稿

序卷之一

四

而合家國天下以爲學，自復其性，謂之聖學，使天下共復其性，謂之王道。體用一原，顯微無間，豈佛氏所可比而同之乎。容城孫先生集理學宗傳一書，自濂溪以下十一子爲正宗，後列漢隋唐儒考，宋元儒考，明儒考，端緒稍異者爲補遺，其大意在明天人之歸巖，儒釋之辨，蓋吾儒傳心之要典也。八十年中躬行心得，悉見於此。斌謝病歸田，從學先生之門，受而讀之，其折衷去取，精義微言，幸承面誨而得有聞焉。時丙黃令張君仲誠潛修默悟，力任斯道，迎先生至署



獨捧付梓。先生命斌爲序。斌何言哉。惟曰：天下同志，讀是書者，無徒作書觀也。止由此以復天之所與我者耳。吾之身，天實生之，無一體之不備。吾之性，天實命之，無一理之不全。吾性實與萬物爲一體，而民胞物與，不能渾合無間焉。吾性未盡也，吾性實與堯舜同量，而明物察倫，不能細大克全焉。吾性未盡也，吾性實與天地合德，而戒慎恐懼，不能如乾健不息焉。吾性未盡也，誠由濂洛關閩以上達孔顏曾孟，由孔顏曾孟而証諸堯舜湯文，得所以同者，返而求之。

潛菴先生遺稿

序卷之一

五

人倫日用之間，實實省察，克治實實體驗，擴克使此心渾然天理，而返諸純粹至善之初焉。則寂然不動，感而遂通中和，可以位育，而大本達道在我矣。不然，徒取先儒因時補救之言，較短量長，橫分畛域，妄起戈矛，不幾負先生論定之苦心乎。且亦非仲誠公諸同好之意矣。陸子曰：六經註我，我註六經，學苟知本，六經皆我註脚。斌惟與天下學者共勉之而已矣。

天人一理，自是徹上徹下之言，然非戒懼慎獨，不能位天地育萬物，此聖賢示人下手工夫，但舍却

夔倫日用又入於禪矣此事事踏實地處

梅公

言有根柢故能條暢詳委從事於此而不視爲空  
言自可上下皆徹

潛菴先生遺稿

序

卷之二

六

言自可上下皆徹

言有根柢故能條暢詳委從事於此而不視爲空

言自可上下皆徹



孫徵君先生文集序

昔文中子生隋唐之際佛老盛行毅然以孔子為宗

匹夫肩絕學之統其有功於斯世甚大朱子集群儒

之大成其徒傳之金華諸子遞相授受至明初制作

一代典章率本朱子之教以是知大儒抱道空山修

明六經非一世之業也容城徵君孫先生登萬曆庚

生平極簡該

子鄉薦與鹿忠節為友以躬行相砥礪居親喪結廬

墓側於憂戚孺慕中悟心性原本慨然以聖人為可

學而至天啟乙丙間大興鉤黨之獄左魏周三君子

潛菴先生遺稿

序卷之一

七

橫被榜掠故交避匿先生獨上書樞輔鳴鼓舉旛為

之鳩眾攸助生死禍福不足動其中其剛大之氣復

如此時會捨攘保全危城避亂山中隱然負王佐之

望徵書屢竟堅辭不應晚年攜家蘇門聲華刊落生

者裏過

徒數百結廬相就其地自姚許之後稱再盛云先生

此即先生自道

於道慎擇而約守之發為文章皆躬行心得之餘未

嘗有新奇可喜由其說而持循之人人可以寡過所

著四書近指讀易大旨尚書近指精義明前儒所未

發嘗以古今諸儒見有偏全力有淺深要以不謬聖

人爲歸慈湖以傳子靜者。失子靜龍谿以傳陽明者。失陽明儒而雜禪。不可不辨。苟無致知力行之實徒。憑揣摩億度以軒輊前賢先生之所不與也。九十老人晨興拜謁家祠。獨坐空齋。竟日無惰容。事物之來。泛應曲當。濁酒孤燈。對友譚學。至丙夜不倦。自非功深於人之所不見者。烏能自強不息如此乎。當草昧初闢。干戈未戢。人心幾如重寐。賴先生履道坦坦。貞不絕俗。使人知正心誠意之學。所以立天經。定民彝。不因運會爲遷移。振三百年儒者之緒。而爲

潛菴先生遺稿

序  
卷之一

八

興朝理學之大宗。其於文中紫陽何如。非愚之所能知。其有關於世道。則一而已矣。先生歿後三年。門人彙輯詩文語錄爲若干卷。屬斌爲序。不敢辭。謹述所見以附編末。使讀斯集者有所考焉。

刊落聲華躬行心得如孫先生者不可得而見矣。

讀此深嚮往之思

梅公

隨處指示使人恍然於鳶飛魚躍間



戴山劉先生文錄序

戴山劉念臺先生文錄十八卷。斌奉使於浙。先生門人黃君太冲與其孫茂林見示。得受而卒業焉。喟然嘆曰。先生之學至矣。程朱以來。體道之精。未有過焉者也。蓋嘗論之。濂溪得孔孟之傳。其說太極圖也。曰

聖人定之以仁義中正而主靜立人極。此中庸戒慎

着眼

不睹恐懼不聞之旨也。而論者以爲易流於禪。吾謂

不然。記曰。人生而靜。天之性也。感於物而動。性之欲也。不能反躬。天理滅矣。人者。天之心也。性者。天之理也。

靜與紛對。不與動對也。

合四句。何觀之例。易逆所謂無欲故靜。

潛菴先生遺稿序

卷之九

九

也。天理非可以動靜言。而主靜亦不可以時位論。泥

主靜之說。而不得其義。固易流於禪。若昧主靜之意

而徒事於標末補綴。則隱微多疚。人品僞而事功無

本。此鄉愿之僞學。孔孟之所深拒也。程子曰。天理二

字。吾體驗而得之。又曰。學者敬以直內。爲本。朱子曰。

靜者性之真也。涵養中體出端倪。則一一皆爲己物。

豫章延平師友相傳。皆是此意。其曰窮理者。亦窮天

所與我之理也。故可以盡性而至命。博學審問。慎思

明辨。皆其功也。後人失其精意。遂至沉溺訓詁。泛濫

深究失之由

名物幾於支離而無本王文成致良知之教返本歸

原正以救末學之流弊然或語上而遺下偏重而失

中門人以虛見承襲不知所以致之之方至龍溪四

無之說出益洗洋恣肆縱橫自如儒佛之藩籬盡撤

其流弊有甚焉者故高忠憲顧端文以性善之說救

之夫儒者於極重難返之際深憂大懼不得已補偏

救弊固吾道之所賴以存學者先識孔孟之真身體

而力行之久之徐有見焉未嘗不殊塗同歸如顏曾

爲大宗而由賜師商各得聖人之一體若學力不實

潛菴先生遺稿

序卷之一

十

此心無主徒從語言文字之末妄分畛域根柢未立

枝葉皆僞其所爲不越功利詞章之習而欲收廓清

摧陷之功吾恐言愈多而道愈晦聖賢心傳不見於

天下後世也先生生文成之鄉而與忠憲端文遊其

學以慎獨爲宗於天人理氣靜存動察辨之不屈其

詳而終以靜存爲要嘗曰姚江之後流於老莊東林

之後漸入申韓故擇取中庸以復先儒之舊平生於

寂寞疑一中發其聰明智慮通籍四十年做帷穿榻

蕭然布素其立朝也秉義據經難進易退自曹郎以



至總憲前後章數十上大約志在振肅紀綱敦崇廉  
節重仁義而薄刑名更欲申明祖制寺人不得典兵  
預政廷杖詔獄悉當報罷寧人主見爲迂濶而不敢  
貶道以從時寧與執政相齟齬而不敢容嘿以阿世  
慎獨之學以之自修者如是以之告君者如是以之  
勉寮友誨門弟子者亦如是遭際鼎革拜辭家廟絕  
粒空山其從容堅定視生死猶日用飲食也觀其語  
門人曰智中渾無一事浩然與天地同流蓋通微達  
性之學至是而始得所歸宿焉植天經扶人紀固吾  
所謂其要在慎獨

潛菴先生遺稿

序  
卷之一

十一

儒中庸之道非老佛之幻視君親與鄉愿爲學依違  
附和者所可假借吾願學者捐成心去故智法先生  
爲學之誠而得其用心之所在由是上溯濂洛關閩  
以達於孔孟則姚江梁溪皆可融會貫通而無疑矣  
斌末學固陋何足以知先生獨有慨於聖道之失真  
微言之將墜故不禁娓娓言之且以夙昔景仰之私  
得附名文錄自托門下士之末實平生之至願也太  
冲力任師傳海內人士宗之先生之道將益光顯亦  
藉是以就正云

窮理者亦窮天所與我之理此語已千了百當未  
後欲學者損成心去故智足令闢姚江者捫舌  
公

提綱挈領狠鞭力策爲人苦心於茲可見至於筆  
力雄崛詮理精密考亭姚江直可追配

潛菴先生遺稿

序  
卷之一

三



贛州府誌序

順治十六年余叅藩嶺北訪問兩府誌書兵火之後板籍灰燼悵然久之後購得贛州府誌舊本將網羅佚事補緝缺略適予以病請告未遑竣事恐原本散失乃蠲俸付梓按贛之爲郡處江西上游漢唐以前視若荒服至宋濂溪周子通判州事其時趙清獻爲守程大中令興國識濂溪于南安命明道伊川受學焉伊洛文獻之傳實肇於此文信公亦以守郡建大義興勤王之師故豫章理學節義冠冕海內而贛郡潛菴先生遺稿

卷之一

三

尤著云然地大山深疆閭繡錯姦宄不測之徒時時乘間竊發疊嶂連嶺處地旣高俯視各郡勢猶建瓴非得博大通方威信重臣鎮撫其地則閩楚江粵往往多事故前代特命憲臣駐節於郡王文成公授提督專征伐剗平山寇厥勲爛焉及宸濠逆命天下震動公率二三郡守統兵數千旬日之間擒俘宸濠舉豫章數千里地歸之朝廷豈非重地得人之明驗與而文成公學本周程在贛日與洛村善山南野東廓諸君子講明良知之學天下儒者以虔南爲歸可謂

盛矣。處南盛衰。既關數省之安危。而聖學修明。又肇  
端於此地。故其山川磅礴。鬱積潏迴。蜿蜒非他郡所  
可類。顏也。予既考閱舊誌。得其形勝扼塞之要。聞嘗  
登城眺望。見崆峒天竺。萬峰迴合。貢水章江。雙流疏  
瀉。北顧十八灘。巨石側立。如犬牙森森。想見清獻疏  
鑿之跡。謁濂溪書院。修其俎豆。信國文成二祠。亂後  
焚燬。予移祀書院。廣集諸生。執經揖讓於前。念典型  
之尙存。思音徽之如在。不禁爲之低徊留連也。獨是  
山川如故。風俗漸漓。戶口消耗。賦役繁難。選舉應南  
潛菴先生遺稿序  
卷之一  
官試者十二邑。僅數人耳。何今昔之不同如此。是非  
任。旬宣牧守者之責。與後之君子。撫覽茲編。尙加意  
緩。輯再見清獻之休烈。而與賢士大夫。講明性道。尋  
墜緒於微茫。以上追濂溪陽明之風。知必有洛村善  
山其人出而應之者矣。

一誌也。揭出理學節義之大形勝扼塞之要。已包

一部史書在內。今人視此爲具文。亦獨何歎。梅公

山形勢。說及人才。又思所以守此者。既以勵已。復

以勉人。豈尋常浮藻可比。



睢州誌序

睢州處杞宋之間。攘地不過百里。而春秋諸侯會盟。戰伐與漢唐攻守之跡。往往在焉。至宋爲神京左輔。稱雄郡。明代文物聲名。甲於兩河。及其亂也。鋒鏑日聞。受禍倍烈。蓋地處中原之衝。世治則冠裳輻輳。有故則干戈相尋。勢使然也。余少時好從長者訪求郡中故實。壬午兵火之後。繼以河決。故家遺書。一朝俱盡。後於河北得李司空舊誌手錄。以歸。吾友吳君冉渠。博學好古。又購得嘉靖間上黨程公本。手自校讐。

潛菴先生遺稿序

卷之一

五

網羅近事。摭撫遺文。功未告竣。會中丞賈公有修誌之檄。郡守取其稿以應。倉卒付剞劂。金根帝虎之譌。觸目皆是。田賦源流未詳。山川古蹟遺脫。附會爲多名宦事實寥落。人物自漢魏至宋元名臣高賢表表史冊者。姓氏湮如。入明以來。理學勛業忠節文章彪炳。寓內久列一統志者。皆僅於選舉表中一見姓名而已。使後生承學。至語及先輩行事。茫然莫知所從來。何由聞風而興起乎。大者如此。若幽貞之士。孤嫠之懿。沉埋於荒谷廬井者。又不知其几幾也。余知非

冉渠定本林居日久桑梓掌故聞見漸熟叅稽前史

見先生之虛衷

蒐獵散佚復尋訪父老而折衷之不敢自名州志分

爲數帙曰睢陽耆舊傳曰風俗志曰遺事考至理學

則附入洛學編藏之篋衍久矣雲安程公守郡六載

官無秕政塗有與頌既嘗創建黌宮設立義塾養士

教民具有成績復閱誌病其譌漏不以余空疎無似

委之重加叅訂余惴惴以不克勝任是懼時冉渠已

歸道山從其令嗣搜索遺稿更發余敝箚而檢閱之

核僞黜浮遠不遺而近不濫時當溽暑楫戶終日目

所語或之簡括精核可見

潛菴先生遺稿

序卷之一

七

涉手抄汗流接踵較舊志事增十之五六仍舊定爲

七卷公一一裁定遂蠲金授梓余於是益歎公之大

有造於睢也睢之爲州城郭遼廓土田軍民繡錯賦

役叢雜壤多沙鹵黃河之患類仍民寡蓄積一遇水

旱道殍相望且界連曹衛奸盜易滋經畫調劑匪易

語曰前事之不忘後事之師此編粗定後來者不須

旁詢掾史而因革法戒一展卷而得其大畧豈特一

二世之利哉吾又因之有所感矣前代吾州盛時世

家耆碩縹緲克棟操觚之士比屋而居自嘉靖以來



百有餘年未聞以誌爲任者。獨賴劉教諭人物一編存其梗槩於郡事則未詳也。今公於戎馬倥偬征輸孔亟之時毅然爲之。豈不誠識治要君子哉。愧余謫陋寡聞且隨繕隨梓不暇廣質同人舛誤缺漏勢所不免。博雅君子覆加增潤以成一郡之典則茲編其前驅也夫。亦實余之所厚望也夫。

核僞黜浮遠不遺而近不濫。修志者當以之爲典則。梅公

簡淨真樸而風神時耀於唱歎間。至其鼓舞樂善

潛菴先生遺稿序

卷之一

七

之美又不待言

孝經易知序

孝經註釋箋註凡數百家。近惟新安呂忠節公所著本義大全最稱詳備。吾友登封耿逸菴先生家居講學。復著易知一卷。其言簡而盡。明顯而精切。與忠節所著互相發明。誠後學入德之津梁也。余填撫吳中。見其士風文藻盛而實行衰。思有以挽之。乃聘耆儒於明倫堂。聚生徒講孝經小學。適張君庸如舊爲登封令。與逸菴講學嵩陽。攜有易知抄本。乃鈔板屬余頒示諸生。俾朝夕肄業焉。余乃爲之言曰。古昔盛時。

潛菴先生遺稿

序卷之一

六

人重倫常。家敦仁讓。故風俗朴茂。治道還淳。太和之氣洋溢宇宙。輓近之世。教化不明。本實不敦。殫精竭思。皆枝葉浮華。雖名譽動人。而本心已失。象山有言。親師取友。爲學力行。皆從好事中來。故虛而不實。此言切中學者病根。而吳中爲甚。經曰。天地之性。人爲貴。人之行。莫大於孝。朱子少年讀孝經。題其上曰。不如此。便不成人。孟子曰。人之所以異於禽獸者。幾希。吾人奉父母之遺體。當思父母生我之身。無一體之不具。生我之心。無一理之不全。何以保守。成其爲人。



不至放失淪於禽獸此不可不深長思也。自學路久  
迷陷溺日深重以侈靡之習淫佚之說功利之謀所  
知所行皆人欲而非天理夜氣之良偶一醒悟真堪  
痛哭流涕而不能自己者奚暇雕繪浮藻馳求聲譽  
乎。天下萬善同出一源人能孝則事君必忠事長必  
順交友必信居官必廉臨民必寬故事君不忠非孝  
也事長不順非孝也交友不信非孝也居官不廉非  
孝也臨民不寬非孝也進而言之暗室屋漏一念自  
欺非孝也應事接物一念怠慢一念刻薄非孝也事

潛菴先生遺稿

序  
卷之一

七

親盡養矣而未能養志知從令之非孝矣而未能論  
親於道養生送死盡禮矣而未能事死如生事亡如  
存其孝猶爲未盡也。故事親事天一道也。盡倫盡性  
一理也。孝之道大矣哉。誠能盡孝之道則精義入神  
參贊化育不外是矣。一人盡孝則一家化之。一家盡  
孝則一國化之。推之天下皆孝子四海皆仁人。則民  
氣和平災害不生禍亂不作。尙何憂治道不唐虞風  
俗不三代歟。余因牖如之請爲書簡端讀者畧加省  
察以無負逸菴註解之意與牖如鏤版之心。其於立

身爲人之道未必無小補云

吳中之弊極矣開邇年來生機漸復僉曰公之賜

民至今歌思不置今閱此知先生撫吳者蓋正其

本也

梅公

發論切近明實無一語影響見理明後會而通之  
方能爲此

潛菴先生遺稿

序  
卷之一

序



劉山蔚詩序

嘗聞詩者心之聲也。尙書曰詩言志。孔子刪詩三百。而蔽以思無邪之一言。此千古論詩者之宗也。騷雅而後言詩者無慮千家。吾所推重獨靖節少陵耳。靖節真懷高寄。簞瓢晏如。蓋置身羲皇以上而不知有漢魏者也。少陵間關氛祲。曾無虛日。而感時憂國。忠愛纏綿。卽一飯一吟。不忘君父。故吾謂思無邪一言。惟二子足以當之。卽以之續三百篇可也。近代空同大復。振衰復古。爲風雅準的。或慷慨豪岸。或俊朗風潛。菴先生遺稿序

卷之一

主

流實各肖其性情。糾彈戚畹。中夜悲謔。抗表闔閭。脫屣簪紱。浩氣清風。至今猶可想見於長歌短詠之間。故二子者。猶得靖節少陵遺意。中州爲空同大復之鄉。蘇門浚川諸君子。先後至盟詞壇。吾意今日必有能似續風雅者。求之同里而得箕山田子焉。又因田子而得商丘劉子山蔚焉。山蔚溫粹冲遠。嘗隱居南邨。疎籬竹迳。焚香諠詠。聲琅然達戶外。獨與箕山往來。倡和無間也。余從箕山處見其詩。春容蘊藉。如朱絃疎越。不作衰草寒蛩之響。而天真爛熳。深有得於

言志之義絕非雕績纂組佶屈纖巧者比吾信其能  
繼蘇門諸君子而復見空同大復之盛者也夫靖節  
少陵同時詞章瑰麗樹幟菴林蓋不乏人然或馳情  
富貴濡跡風塵康樂摩詰未免遺恨二子窮愁著書  
志意皜然聲名獨翱翔雲漢星日之表石門朝川舊  
蹟具在後人過之豈能與栗里浣花同其歆慕哉山  
蔚孝友敦行鄉黨無間言其性情有大過人者自此  
益加砥礪感遇莫移其志拂逆莫動其心蓄焉暢焉  
肆焉擇焉且欲已之而不得焉比興寄託自合三百  
潛菴先生遺稿序  
卷之一

圭

篇之旨歸靖節少陵何難千載輝映乎山蔚將刻集  
問世託簣山索余一言余不敢以固陋辭因爲序之  
如此

詩取陶杜旣置身羲皇尤念念不忘君父  
梅公  
許而復勉之固知先生口無過情之褒



蔡氏族譜序

昔三代之時。多世臣。因生賜姓。胙之土而命之氏。子孫世守其家。數千年不忘其所自始。天史公之著史記也。公侯傳國。名曰世家。亦其遺意也。魏晉以來。九品中正之法行。而世族益重。王謝顧陸。盛於江左。隋唐崔盧李鄭。號爲右族。至爲天子所稱歎。然其初類皆有公侯將相名聲顯赫。所謂貴其姓者也。其後則皆以姓貴耳。自辟薦科舉之政行。天子所與共天下者。皆誦習孔孟之徒。故旦白屋而夕朱戶。則其貴不潛菴先生遺稿

序  
卷之一

五

在世族而在詩書。然又有官躋崇要。而後世不欲聞其姓字。或宦途顛頓。甚至終處岩岨。狎鷗鷺而採薇芝者。名震霄壤。則貴其姓。又不在官爵而在德義矣。蔡之先出於周文王。蔡叔度既遷。其子胡率德改行。周公舉以卿士。復封之蔡。尙書蔡仲之命是也。後世往往爲將相名賢。史不絕書。如中郎之博藝也。子尼之雅正也。君仲元應之教也。端明之政事文章也。季通父子與介夫之學。皆照耀古今矣。睢陽之有蔡氏也。自元季始也。世多名人。濟南司馬兩公父子相繼。

登魏科濟南清介剛果治行爲海內第一司馬豐功偉績在馬端肅許襄毅之間雲中兵變談笑而定之著在國史班班可考也下此若懷寧君之執法却賄鴈峯君之軌精著述館陶贛州二君之齊名文苑此余得之傳聞者也月賓懸圃兩君之文章才藝蘊藉風流則余所親炙者也然則天下之言蔡姓者必歸重於睢陽而睢陽世家亦必以蔡氏爲重豈無故歟鴈峯君始作族譜亂後失散吾師茂翁先生窮搜博訪得其原稿續成之姓源世系瑩域各有圖先世之潛菴先生遺稿

序卷之一

音

有聞者爲家傳女子以節著者爲外傳誥勅祭葬碑銘附焉可謂彬彬然詳且備矣手錄一帙命斌校正斌旣素仰濟南司馬之德業而又有感於懷寧諸君之賢與中郎子尼諸君子相輝映也且吾師採購之勤紀述之精皆仁人孝子之用心不可不亟表章故舉人之所以貴其姓者以告後之人焉後之子孫觀斯譜也尙思繩其祖武勿墮家聲以無負吾師之志則孝矣

大宗之法不講久矣予欲依古禮考定宗法宗法



則則敦倫睦族之道備于其中而科第爵位皆可  
考也昔朱子嘗欲爲之并附于此

梅公

典則詳明推言貴姓之道勉人以不忘其始之義  
足以興起人心

潛菴先生遺稿

序卷之一

五

京口與友人

與友人書

與友人書

公

與友人書

唐成齋制義序

吾嘗謂六經之文體製迥別而義蘊無窮千萬世文章不能外焉。下此如老莊荀列申韓之書。屈原宋玉之騷賦。漢兩司馬董仲舒劉向揚雄唐宋韓柳歐陽蘇曾之文章。方其書之未成也。天下固不知有如此之文也。及其既成而出之。雖純駁不一。皆爲天地間不可磨滅之文。何則。其學有本而發之性情者真也。人必有真性情。而後有真學術。有真學術。而後有真文章。若徒剽竊摸擬。雖窮極工巧。終爲陳腐。歸於澌

澌。潛菴先生遺稿

序卷之一

美

盡泯滅而已。譬之草木。種種花實。各不相肖。皆含造化之生氣。剪綵爲之。何足貴也。自有制義以來。守溪荆川。典型具備。當時之人。固不意其後之有鹿門。震川也。鹿門震川。變而之古。浩氣逸情。籠絡一代。不意後之又有正希大士也。數君子者。皆負孤特。無所附麗之志。而又深以數年之學。故其文能自樹立。不謂前之人已極。後之人遂無以加也。近日士子。不務爲有本之學。專一剽竊摹擬。入書肆。購決科之文。數百篇。閉門而誦之。又擇其庸腐纖靡者。以爲式。左割右



捨幸而獲第。取其所揣摩之技。鏤板傳布。後生又從而效之。所謂太倉之粟。陳陳相因。朽敗而不可食。而天下幾無真性情矣。余方憫然憂之。而成齋唐子以平日所作制義見示。讀之。見其磊落宏肆。脫去畦迕。於古人之法。無所不備。而欲摘其某字某句。爲蹈襲某書某篇者。不能也。其能繼正希大士而遠紹王唐歸胡無疑也。成齋操履端潔。於人不妄交。見事之乖於義者。必正色爭之。司李撫州。持法明允。決大獄。伸理沉寃。不畏疆禦。卒以直道獲戾。貧不能治裝。士民

潛菴先生遺稿序

卷之一

七

爭爲居停。及歸杜門窮經。課里中子弟。選定古今文。手錄成笥。布衣蔬食。茅屋數椽。不能蔽風雨。泊如也。是其性情有大過人者。故爲文能自運機軸。不屑屑隨人步趨。而自與古人法度。悉毫不爽。誠有其本也。吾又因之有所感矣。富貴爵祿。賢者得之固多。而不賢者得之亦復不少。若天之所不甚愛惜。未嘗擇人而予之也。獨於文章。不輕畀人。故往往有享高爵厚祿。聲勢赫奕。足以震動一世。而求一言之幾於道者。無有也。成齋之文如此。而不能博一第。甫仕卽蹶輪。

蘭。抑。塞。殆。終。其。身。而。撫。之。人。歌。而。思。之。鄉。黨。後。進。無  
少。長。皆。知。有。唐。先。生。也。彼。貴。倖。一。時。茫。然。無。所。自。恃  
者。視。成。齋。爲。何。如。余。序。成。齋。之。文。而。必。原。本。六。經。及  
歷。代。子。史。大。家。者。誠。見。文。必。有。本。而。後。可。傳。更。望。成  
齋。勉。之。不。僅。以。制。義。傳。也。則。庶。乎。不。負。天。之。所。畀。已。

有真性情而後有真學術有真學術而後有真文  
章此先生自道也

梅公

元元本本使人知文章必原於性術者爲可貴而

潛菴先生遺稿

序  
卷之一

天

成齋之性術因附以見此爲鎔經史之液而成者  
也



黃庭表集序

戊申遇黃庭表先生於錫山。以所著忍菴集數卷見示。當是時。吳中文章家。方以聲華浮艷相高。而先生獨原本經術。以古人爲繩尺。心竊重之。後十年。同應召至京師。有明史之役。遇休沐。輒相過從。遂得盡讀其近稿。益嘆先生之學大而有本。非時賢所可頡頏也。竊謂學者爲文。必內本於道德。而外足以經世。始不徒爲空言。可以法今而傳後。否則詞采絢爛。如春花柔脆。隨風飄揚。轉眼蕭索。何足貴也。西漢儒者。湛

潛菴先生遺稿

序

卷之一

无

深經術。不爲百家所惑。莫如董江都。通達治體。議論深切於事情。莫如賈長沙。而好爲淫靡綺麗之辭。不根據理道。莫如司馬長卿。此固人所易辨。非甚深遠難知者。乃韓退之號稱知道。而敘述古今文章之盛。自孟荀屈莊以至相如揚雄之倫。詳矣。而賈董曾不一及焉。何歟。宋儒以退之爲文人之雄。未可言知道。其始以此歟。夫相如之賦。義存諷諫。有爲而作。君子猶有取焉。若近世自命作者。輕併浮薄。搜集稗官野乘。繁淫怪誕之辭。妃青儷白。補綴成篇。其意可數十

字畢者率衍爲千百言而不休。徒以示吾之高才博聞。爲譁世取寵之具。將古人立言之體。蕩然無復存矣。安能望相如之眉睫哉。今觀先生集中圖書象數之奧。性命理氣之微。闡發幾無遺蘊。禮樂兵刑。漕渠水利。盛衰沿革。名物度數。無不究極原委。期鑿鑿可見諸施行。其斯爲體用兼全之學也乎。其爲文也。醇雅而不冷。簡質而不繁。謹嚴而不夸。吾不敢知其於先儒何如。要之爲賈董。不爲相如。有斷然者。先生操履端靜。雖出入禁林。官稱侍從。而所居委巷。版門。竟澗菴先生遺稿

序

卷之一

三

日無剝啄聲。凝塵蔽榻。寂寞著書。刻苦要眇。如窮愁專一之士。蓋其志量遠矣。其人如是。其文亦如是。是豈可僞爲哉。余夤陋無似。何足以知先生。而慙慙以序見屬。余不獲辭也。乃爲之言。

不肯輕詆古人較之宋儒議論更爲敦厚

梅公

操縱有法不用渲綯而廷表地位自高



西澗集序

予在長安。晤王去非於慈仁僧舍。得劉子道力刻詩一卷。予與劉子生同里。交遊頗久而未知其能詩。竊嘆天下恢奇不羈之人。雖久與處。猶未易盡識。如劉子者。往往然也。及予自嶺北歸里。日偃卧茅齋。交遊鮮通問者。獨劉子時時過從。欲竹數竿。松陰滿逕。謔詩竟夕。歌聲蕭然。振林木。劉子巨族家。故饒少。遭喪亂。不事家人。生產遂貧落。篤好吟詠。庭戶牖榻。題墨幾滿。家人或謂讓之。曰。此何物。曾不足以供饔餐。

潛菴先生遺稿

序卷之一

三

劉子怡然不爲少變也。家既貧。達官貴人鮮稱譽之。而劉子負嶽嶠歷落之骨。亦耻與達官貴人遊。時扶杖孤筇。徜徉自放焉。或談及仕宦紛華。田廬貨財。昂首雲霞。弗屑也。噫。今天下身世通顯者。莫不自託於歌吟聲詠。沾沾以爲能。而胸懷齷齪。往往以半畝數椽。爭競不息。宜乎劉子之以白眼當之矣。今劉子聞東南多佳山水。波濤洶湧。峰巒峻峻。將扁舟於采石。九華之間。而肆志焉。乃集近詩。命予敘之。余以江上往來多隱君子。必有知劉子之詩者。故不具論。論其

爲人大畧云

蕭疎澹曠筆法全是六一居士

梅公

中間今天下身世通顯一段是其用意處

潛菴先生遺稿

序

卷之一

三



楊彭山春望詞序

京口形勝甲東南。金焦北固其名特著。故書勛籃輿。日萃其下。而未有知所謂楊彭山者。是山也。雖無奇峯危巘。深澗絕壑之觀。然登其上。而三山雲樹環翠。如屏長江洶湧。風帆隱見。與潤州城堞樓櫓煙火十餘萬家無不近在几席。俯仰指顧。亦登臨之勝槩也。特其名不見於山經輿誌。故騷人之遊屐不至。卽或至焉。而文字不足以發之。世亦莫得而傳焉。則山川之幸不幸。豈不以人哉。戊申三月。董子文友來自毘潛菴先生遺稿

序卷之一

壹

陵與何子雍南。程子千一。偶登此山。乘春騁望。各賦詩十章。曰楊彭山春望詞。三子皆以詩文擅名當世。其詞雖記一時聞見所及。而江山形勝如指諸掌。吾聞京口盛時。名家巨族。競選山水靚冶之區。治園亭臺榭。極歲時遊覽之娛。自海艘告警。山川如故。風景頓殊。三子懷古睠今。感慨係之。宜其詞之婉麗而悽愴也。夫天下幽巖邃壑。徒爲樵夫漁子所栖遊者多矣。此山南望則米元章之遺墓在焉。其西則昭明太子讀書處也。風流文章。彷彿想見其人。何從來遊者

篇什零落乎此詞流傳於世吾見尋奇探幽者詫爲  
奇聞異蹟必將載酒登高窮極眺望墨版淋漓侈爲  
遊覽盛事四方聞而不得至者與金焦北固同入夢  
想也故吾謂仙宮佛窟士女繽紛不可言遊遊楊彭  
山者自三子始書此所以慶此山之遇也

爲楊彭山開生面并爲三子開生面關合有情

梅

公

文中映帶開闔頗具古法小品之維

潛菴先生遺稿

序  
卷之一

三



雪亭夢語序

雪亭者蓮陸魏君侍徵君先生於夏峯自名其所居之室也。夢語者記其所聞於師與夫讀書有得之言以自考也。蓮陸受業先生之門三十年中頻遭變亂患難與共。及先生遷夏峯蓮陸自山右辭官而歸率間歲一至。每至必留數月。後構屋以居爲先生訂正年譜。白雪盈山。孤燈午夜。上下古今。視千秋如旦暮。故及門問答之語。蓮陸爲多。庚申秋。余臥病燕邸。君自上谷策蹇來晤。見余繩床破被。數椽不蔽風雨。慨潛菴先生遺稿序卷之一

壹

然曰。此猶見雪亭風味。因出夢語讀之。余病爲之頓

此一段神妙。熙甫

減。京師繁囂。余寓齋居闌闌。聞車馬之聲不絕。而門

內數日無一足音。蒼苔滿逕。槐落凝階。獨君時披戶

入。掃敗葉。煮茗茗。君或攜酒至。則相對陶然共酌。而

夢語首章敘豫章延平。結菰水竹象山。白沙陽明。念

菴山居靜坐故事。又敘一峯留客。荆川青衣布履。臥

處惟一板門。以爲諸君甘貧樂道。守孔顏家法。余因

自念壯歲歸田。忽忽二十年。雖從遊夏峯。亦嘗設榻

雪亭。與聞緒論。而因循玩愒。無所成就。今年逾五十

奉

召史局升青無期。惟杜門絕應酬。稍存山中面目。視君蕭然世外。不及遠矣。故讀夢語。輒廢卷而歎。歎已復讀不自休。有以也。今衰病侵尋。行將乞休。與蓮陸相約。以餘年證明師門宗旨。無忘雪亭夜坐時。青松白石。實聞斯言。漫題以爲夢語序云。

極似白香山而靜致過之。

梅公

蕭遠歷落。居然簞瓢風味。所謂山月窺人。江雲罩笠。同此冷况。

潛菴先生遺稿

序卷之一

美



西山唱和詩序

宋子牧仲遊西山歸示余詩一卷而屬爲序余謂山水文章恒相因也謝康樂赤石淞源諸詩岡嶺谿澗松竹猿鳥讀者歷歷如見元次山道州諸詩柳子厚柳州永州諸記亦然獨怪終南去京兆爲近唐世號多詩人遊南山詩彷彿康樂元柳者殊不多見也豈士大夫身處京華日僕僕緇塵遂不暇窮山水之勝與抑或縈情圭組不能心跡雙清雖遊而詩亦不工與牧仲官西曹稱繁劇更盡心職業嘗爭疑獄數大潛菴先生遺稿序卷之一

三

案似不暇遊又清羸善病而乃於休沐之頃呼朋攜子極登臨之樂其詩與康樂元柳不必盡同要之蕭閒澹遠無長安貴遊繁囂氣習披覽一過烟雲香靄繚繞几席間信牧仲於山水文章有深情也余入京師且數年埋頭史局忽忽無意緒每薄暮下直信馬垂鞭望西山暝色輒凝目久之而不果一往今序牧仲詩余滋媿矣

筆致極似髯蘇

梅公

不獨文品閒冷亦能濯繁熱以清涼有益世道之

言

潛菴先生遺稿

序

卷之一

三





送魏蓮陸歸保定序

昔孔門諸賢。惟顏子最爲好學。孔子稱之曰。一簞食。一瓢飲。不改其樂。而不言所樂何事。及觀喟然一歎。然後知顏子之樂。真不能自己者。區區貧富得喪。不足以易也。孔子生平心得。弟子不能傳。而孔子傳之。自十五志學。至七十從心所欲。不踰矩。固夫子自述之年譜也。下學上達。知我其天。與夫發憤忘食。樂以忘憂。不知老之將至。亦卽夫子自傳之像贊也。孔子與顏子。相知最深。所稱終日言而不違者也。而魯潛菴先生遺稿序

序卷之一

三

論所載與顏子言者寥寥。豈其微言妙義。門弟子不能盡識。而顏子獨能默悟神會。與因嘆聖人之文。義蘊弘深。而喟然一嘆。一聖一賢之精神。至今猶在天壤也。吾師夏峯先生平生大節偉然。其氣力足以砥柱兩間。而細行必矜。小物克謹。所謂豪傑而聖賢者也。其自述日譜。凡日用動作。與應事接物。纖細必書。雖患難流離。人事繁沓。未嘗一日稍廢。晚年造詣益精。默契神化。超然獨得。非先生不能自知也。蓮陸魏子。從遊日久。庚戌冬。自上谷來蘇門。先生以日譜授

之使剛定焉。雪夜挑燈。中宵不倦。爐火既燼。丹鉛未  
休。余以胃病。未得共事。明年春。將北歸。貽書屬余校  
正。余何敢辭。獨念蓮。陸才大而養之以靜。學博而守  
之以約。嘗刺晉之大州。搜訪隱逸。折節下士。去官之  
日。匹馬雙僮而已。世俗升沉得失。無足介其胸中者。  
後日爲師門。顏子必蓮。陸也。譜中所載八十年來。躬  
行心得。歷歷可考。蓮。陸定有得於精神。意氣之表。未  
可以言辭形容者矣。昔朱子與呂成公輯近思錄於  
寒泉精舍。至今過者。必徘徊想像其處。吾觀後之遊  
潛菴先生遺稿。

序卷之一

早

蘇門者。亦必將訪問。魏子刪述之所。低回流連。而不  
能去矣。於其行書以送之。

從師友授受處。立言不用景色渲染。其文氣高潔。

極似昌黎。楊公

敘其授受淵微處。言約而旨深。



送宋牧仲分司贛關序

戊午。宋子牧仲。以秋官尚書郎。視權贛關。於其行也。同朝士大夫。贈之以詩。至盈卷軸。余於宋子。姻友也。適應。

召來都下。不可以無言。贛州居江廣之交。地號僻遠。往時權政。以通判領之。歲時報成數而已。後用言官。議改部員。以重其任。軍興以來。嶺海多故。戈鋌縱橫。於蠻洞瘴谿之間。估客冒險。往還其難。十倍於承平時。今國儲告匱。餉需孔殷。而商旅之難如此。牧仲茲潛卷先生遺稿序。卷之一。

望

往其所以裕國課而恤商困者。可不加之意乎。然此固牧仲之所優為者也。天下事莫患於因。時苟且而無真誠之意。動輒曰時不可為也。事多掣肘也。牧仲之在刑曹。一副郎耳。每慮囚必細審其得罪之由。察

以此證其優為。

其情偽。稽之律例。有求其生而不得則死者。與我俱無憾之意。有不合者。動色力爭。即豐鎬舊臣亦諒其真誠。改容而敬禮之。雖不能盡如己意。其所全活者亦多矣。今其視權也。由司寇推舉。

天子臨軒而遣之。授以專勅。其體為京朝官。與督撫

藩鎮不相轄也。非若部郎之多旁掣其肘者也。吾嘗謂司權政者，禁胥役之需索，信放關之期會，則商不

病。杜豪強之夾帶，絕權貴之請託，則課不絀而其要

官要訣

在律已嚴而綜核慎。此皆牧仲之所愛爲者也。而余

之所望於牧仲，不盡於此焉。入身之所重者，元氣也。

國家之所急者，人才也。古人宦轍所至，必以咨訪人

才爲首務。其所謂人才者，非詞華藻麗，馳聲藝苑之

謂也。必經術足以明道，才畧足以匡時，有精苦之志

有深沉之謀。此其人必不欲以浮華顯，往往在深山

潛卷先生遺稿

卷之一

聖

窮谷，可以遯世無悶。或浮湛人間，落落穆穆，非得其

同志，則不能相求也。西江自宋以來，名臣大儒，不可

勝數。今豈遂無其人乎。余昔叅藩嶺北，屬有軍旅之

役，事定而疾作，請休歸里。寧都有礪冰叔兄弟，與彭

躬菴丘邦士方讀書易堂。余知之未暇入山，一訪亦

以諸子深藏交修，不求聞於世。余爾時雖粗知其姓

氏，未能悉也。今得讀其所著書，想見其爲人，屈指當

日已二十年矣。河山阻修，時光荏苒，惟有浩歎而已。

天生人才，無間古今。往者已矣，來者未可量。牧仲更



從水叔益求知所未知焉。勿如我之過時而悔也。還朝以此爲使歸之獻。則牧仲之所以報國者深矣。

後竟將權政颺開全勸以尊賢取友所致望者。豈在簿書期會之間高於八數等矣。柳公

旣勉牧仲以任職。又進牧仲以得人。文字爲不徒作。而先生循事自盡。求士若饑渴之懷。亦可想見。

潛菴先生遺稿

序卷之

星

送汪檢討奉使琉球序

國家威德誕敷。臣服萬邦。大荒之外。日月之所出沒。罔不梯山航海。貢琛獻貝。象胥之傳譯爲勞。鴻臚之贊引不給。琉球爲東南島裔。奉職尤謹。自定鼎以來。朝會之使數至。康熙二十一年。中山王世子遣陪臣來請襲封。

天子嘉其守禮惟謹。下廷臣會推可使者以名聞。僉曰。檢討汪某。學行足稱。儀度俊偉。以克正使。必能光昭下國。

潛菴先生遺稿

序

卷之一

四

天子曰。可。賜麒麟服。璽書金冊。臨軒遣之。汪君旣受命。上書陳使事。皆所以昭

聖德重國體。

優詔悉付所司。余方與汪君載筆史局。晨夕共事。今一旦乘傳出都。宣布

天子威德於海外萬里之邦。公卿大夫相率餞焉。余何能無一言以贈。竊以聖人論士。必曰使於四方不辱君命。春秋大夫如叔向子產之徒。皆以辭令增重隣國。夫友邦聘問。當時猶難之。至天王使於侯國。必



大書特書。誠重之也。而二百四十二年無貶辭者。蓋鮮焉。按史稱琉球植棘爲藩。以盈虛爲晦朔。以草木爲冬夏。隋唐以後。屢興師討之。賓服無聞。至明初。不煩軍旅。輒遣子弟讀書太學。策名朝著。彬彬爲守禮之國。豈非文德來遠之效哉。今天子湛恩汪濊。不寶遠物。而汪君學古通經。識體得宜。尤長於辭令。廷臣此舉爲得人矣。夫叔向子產。皆以博物著聞。世固未有學無本原。而能專對不辱。君命者也。以汪君之學。茲行也。必能使其國君敬信而悅服。上以增

潛菴先生遺稿序

卷之一

望

天朝之重。而益堅其服事之心。且使環海後至諸國。不煩樓船橫海之師。而聞風景附。稽首來享。後世傳

本又

之爲奉使者所取法焉。君之功亦偉矣哉。余株守史

收歸史事自照應

局汗青無日。因念司馬子長周遊天下。歸而作史記。

然猶未至海外也。君涉海萬里。而至於其國。波濤浩淼。極天下奇詭瑰瑋之觀。非僅僅空同江淮會稽禹穴者比。歸而筆挾風雲。上下千古。當有過於子長者。余與同人執筆以俟之。

以學有原本爲能不辱。君命更不夸。大其詞。益見

先生之經濟由於學問也

楊公

典重有體似昌黎送鄭尚書文法

潛菴先生遺稿

序

卷之一

吳



惠母陳太君七十壽序

余與長洲汪鈍翁先生同直史館因得見其所與遊者而惠元龍稱最賢云元龍博學高才爲文章有渠度交遊多名公卿顧獨時時過余邸舍論文嘗至日昃不倦將南歸持鈍翁所爲母陳太君壽文示余再拜言曰吾母年七十遊子入京華欲有得而歸以爲母榮也乃今葛衣敝屨持殘書數卷登堂問起居外愧無以爲母權吾母高節淑行與吾師同里聞知之爲悉敢邀惠得君一言以慰吾母庶幾爲遊子進一

潛菴先生遺稿

序卷之一

三

觴焉是君之賜也余旣雅重元龍又嘉其意懃懇展卷讀之旣畢而告之曰太君之德盛矣然元龍欲慰太君也交遊中名公卿操文章之柄者衆矣迂拙窮老不合於時莫余若也何足爲元龍重且自聖賢之學不明而功利之習日熾父兄之望子弟者不越富貴利達使子弟登高科躋膺仕輿馬赫奕寶從雜遝遂快然自鳴得志不暇問所從來蓋世俗之陋久矣婦人當尤甚如此則元龍以不遇歸卽攜名公卿文章數十軸日誦太君之前有拂然不樂耳况迂拙無

川於世如余者乎。乃今觀太君則有異事。姑孝謹滌  
灑必親。又有膠木逮下之德。斯已賢矣。前明之季。勸  
太翁律蘇公曰。時事可知。公能師伯鸞高義。妾請椎  
結布衣以從。遂偕隱龍山東渚。躬自操作。不謂尤難  
乎。夫婦人盛年則以貴顯望其夫。晚年則以貴顯望  
其子。人情也太君志行如此。若不知人世有富貴利  
達事者。豈以其子登高第。與馬赫奕。夸耀閭里。爲榮  
乎。元龍其可以無媿然。吾謂從來母子之賢。亦交相  
成也。有陶母截髮。而後侃功業著於晉代。有歐母畫

潛菴先生遺稿

片

卷之一

巽

荻而後修文學。冠於宋室。此有母以成其子也。然必  
有侃之功。被八州。而後陶母之截髮始顯。有修之德  
重三朝。而後歐母之畫荻始聞。是又有子以成其母  
也。太君之所以教元龍者。余未及聞。然卽其勸勉太  
翁者。觀之諒必有在。富貴利達之外者。旣已無慙於  
二母矣。元龍其益勉之。元龍博學高才。譽望隆於時  
貴顯行有日矣。他日立朝著。當思有所建樹。無愧陶  
歐。則所以壽太君者。仍在元龍。而不在頌祝之紛紛  
也。請以此言告之太君。或亦開顏而進一觴乎。



每苦壽文千篇一律而閨中尤甚似此紆折幽峭  
別有勝情惠母傳矣 梅公

撫實而卽用以相規非尋常壽文諛詞

潛菴先生遺稿

序卷之一

晃

徵君孫先生九十壽序

康熙癸丑徵君孫先生壽登九十嘉平月之十四日  
爲懸弧之辰睢陽門下士暨平日私淑先生之教者  
若而人將渡河稱觴於兼山堂下斌再拜頓首而言  
曰人生百歲爲期先生年踰耆耄步履輕翔神完而  
氣固著書未嘗以寒暑輟弟子執經請益者趾錯於  
戶應答終日無倦容竊念自古九十好學弗衰者衛  
武公而後不過數人耳先生之壽殆天之有意斯文  
與夫壽者假百年以爲萬古者也明此意道體流行萬古不

潛菴先生遺稿

卷之一

五

息非人則道無所寄非聖人則道無以行非天假之  
以年則聖賢凝道之功或未能深詣其極而造化之  
流行於萬古者不能盡屬之於我故此身者百年之  
物造功力積深克實光輝上繼在聖下開來學則百  
年而萬古矣孔子以天縱之聖自十五志學猶必至  
七十而始能從心所欲不踰矩也道無止境學亦無  
止境使更假以年必有日進不已者特後之學者亘  
千百年不能證取從心不踰矩之真境况能知其進  
此者乎使孔子年未及七十而止則後人必以知命



耳順爲學問止境矣。使顏子而有夫子之年，則所謂未達一間者，其終於未達歟？夫壽之可重也如此哉。先生早年潛心濂洛之學，以孝親敬長爲根基，以存誠去僞、戒懼慎獨爲持要，出門定交，與蒼嶼廓園、藜洲諸君子議論往復，以砥柱中流自任，浩然之氣，百折不回，會瑞燄熾張，諸君子並罹鉤黨，平日交遊，身都通顯者，皆閉戶掃軌，噤不敢出一言，而先生獨不避虎憂，力爲營救，當其時岌岌濱於難矣，而卒恬然無恙也。今氣運剝極而復。

潛菴先生遺稿

序卷之一

五

與朝定鼎崇儒右文先生讀易百泉韜光歛耀靜悟淵思德益劭而學益邃，徵書歲下，纁帛屢賁巖阿，至朝虛祭酒之席，以待而先生鳳隱愈高，公卿藩臬擁篲到門，執弟子禮，先生與臣言忠，與子言孝，鮭菜茗茗常至，更闌燈炮，猶娓娓弗倦，或千里書札問難爲之條分縷晰，無不人人各得其所求，有初接者，才品高下，卽衡量不爽，與之言論，輒中隱微，若久與處洞悉其生平者，卽秦越人之視病，不是過也。回視數年前學問，必有日進月長，可自證自勘，而非他人所能。

識測者矣。今天下理學烝烝而起，談行淫辭之習漸以消磨，謂非先生倡率鼓舞而然歟。蓋昔年處運旂之終，而今日當風會之始，處其終者與群賢聲應氣和，不能奏廓清維挽之功，當其始者，碩果獨存，靈光巍然，千百年正學之傳，手闢蠶叢而立，登康莊，固知天之厚予，大年者，真非無意也。衛武公耄年進德，淇澳抑戒之詩，風雅傳焉。先生結廬蘇門，與淇澳百里而近，請以金錫圭璧之章，爲先生一侑觴焉，是爲序。

師弟源流言之沉摯，當與復性書並傳。

梅公

潛菴先生遺稿

序卷之一

壘

道無止境，學無止境，一篇綱要，通篇皆反覆，明此文亦沉博堅慤。



重建六忠祠募緣序

睢城西門內舊有六忠祠祀唐中丞張公太守許公以南雷姚賈四公爲配廟貌赫奕春秋官屬奉祭惟謹壬午黃河決城祠沒於水後土人竊其地改建尼庵六公棲神無地過者悽愴於今二十有餘年矣唐自祿山犯關明皇西狩令狐潮尹子奇輩鳴張梁宋間名城巨郛望風納款者恐後張許二公獨率數千殘羸之卒憑孤城遏十三萬之強敵以保障江淮其精忠大節至今八百餘載天下學士大夫以及牧豎

潛卷先生遺稿

序卷之一

三

耕夫皆能道之吾州在唐爲睢陽屬邑張公初守雍丘移軍寧陵許公以睢陽太守迎入則吾州亦張公所往來提戈揮兵處而廟祀不立烝嘗無所甚非所以妥侑忠魂勸獎人心之義也况邇來琳宮梵宇所在金碧莊嚴而六忠祠無議及者左道日盛大義不明有心世教者不禁爲之長太息也今文學黃君於舊祠之西施地一區謀建饗堂三楹重門兩廡期復舊觀某樂聞此舉躬捐微資但力薄費繁尙賴羣公共成盛事人倫天道明訓昭垂凡具秉藪應有同志

務俾規模闡徹俎豆一新薦紳衿裾登堂拜謁見日  
星之常存凜英魂之如在四方君子軒車過之亦知  
吾州人士識所重輕不至崇異端而忘大義也

每段自爲起止不加接續史漢文往往如此至其

立論嚴正亦覺筆有風霜

梅外

議論既正文亦端老

潛卷先生遺稿

序卷之

書



賀王叔平進士序

余少時聞先大夫言柘城雪園王先生。今之大人君子也。心竊嚮慕之。及通籍後。先生爲御史。按兩浙。余見於睢陽郵署。先生握手與語。娓娓不倦。所以訓勉之者備至。出所著傳習錄。定志諸論。及詩文數十帙。見示。余受而讀之。不敢忘。前年遇先生子叔平於商丘。氣度渾金璞玉。不自矜飾。居然有道之容。其所爲文。高潔簡練。得大家之遺。余竊嘆賢者之後必大。於先生益信矣。己酉。叔平舉於鄉。明年成進士。里中親

潛菴先生遺稿

序卷之一

壹

知將修羔酒之儀。而問言於余。余不佞。年來於世故。酬贈之文。謝絕久矣。顧以爲少時知敬愛先生。親聆款譬。二十餘年矣。今幸見叔平捷南宮。何可無一言以賀。夫諸君以爲一第足重叔平乎。自有制科以來。登高第者何限也。然有布褐終身。而風采照耀古今。或身躋巍科。而碌碌無所表見。二者其爲人輕重何如也。從來言道德者。必推濂洛關閩五先生。中濂溪伊川未登進士。明代理學。推薛王陳胡四先生。而白沙敬齋亦未登進士。可見甲第者。特士子致王行道。

之階而非所恃以不朽者也。何足以爲叔平重吾之  
所以重叔平者。亦曰能法雪園先生而已矣。先生之  
令交河也。畿輔近地。值貂璫縱橫之日。他人皆束手  
不敢施爲。先生獨毅然不避疆禦。覆地畝。清郵傳弭  
盜省刑。治行最著。及入掌栢臺。正色端笏。議論侃侃。  
按轡所至。奸弊杜絕。尤孜孜以延攬後進。講明性學  
爲務。自浙東歸。舟中惟圖書萬卷而已。叔平學行得  
於過庭者久。於書無所不讀。而能守之以謙。於海內  
名士無所不交。而必歸之於正。自茲以往。必能舉先  
潛菴先生遺稿序

卷之一

美

生之所蓄而未發者。措之天下矣。是可賀也。吾聞先  
生之學。以王文成公爲宗。文成良知。得於真修真悟。  
當其折權黨於方熾。定大變於呼吸。無非良知之妙  
用。羽書旁午。講書不輟。是豈勉強者能之乎。彼山農  
汝元之徒。剽竊影響。張皇自恣。卒來世人之譏。夫文  
成平生行事。皆可對之天地。後之人果能彷彿萬一  
焉否也。叔平承先生之志。進而取法文成。必能躬行  
心得。一洗世儒之陋。今見用於時。天豈有意斯文乎。  
是又可賀也。余受先生指誨。稍知端緒。今之所以期



望叔平者亦所以仰答先生之意也若侈揚家世門  
閥之盛徒爲諛詞而已則吾豈敢

進士非所恃以不朽是何等期望至後爲姚江辨  
謗處九原可作可以無恨彼肆口詆毀者終是鑿

語  
梅公

予人以其所可受方非浮詞

潛菴先生遺稿序

序  
卷之一

五

睢州後建廟學碑記

睢州儒學舊在北城濯錦池上。明末黃河決。城遂淪於水。有司權奉先師。至於南城民舍。地甚湫隘。殿廡之制不備。堂齋皆缺。諸生無所肄業。屢議改建。以財用匱乏。莫有毅然任其事者。康熙十年。知州事程公始。至慮無以興學。育材。仰承

朝廷德意。期年。政通事簡。乃相廟東有地。據岡面陽。水環如壁。羣情咸合。州之薦紳諸生。量力捐助。先建大殿。次及兩廡。戟門。櫺星門。各如制。明倫有堂。啟聖

潛菴先生遺稿記

卷之一

美

各宦鄉賢有祠。樹以崇坊。繚以周垣。位序丹雘。應圖合禮。其相規制。稽出納。久而不懈者。學正魏君也。既訖。下公率鄉大夫士。行釋菜禮。而屬余爲記。余不獲辭。乃言曰。修學有司職也。諸生之遊於斯者。亦思所以爲學。而求進於古人之道乎。抑徒飾文辭。溺訓詁。冀苟得利祿。以夸耀一時已乎。夫

朝廷廟學。並建。固期學者以聖賢爲宗也。夫聖賢之學。其要存心而已。存心者。存天理而已。微而不睹。不聞。顯而入倫。日用皆天理所在也。堯舜禹之相授受。



必致辨於人心道心之危微孔子十五志學至七十

始從心所欲不踰矩然則聖人之異於人者惟在朝

乾夕惕自強不息遂至與天為一耳成湯文武之為

君臯陶伊傅周召之為臣以及顏曾思孟諸大賢時

至事起功業各不相同而其深憂大懼不得已之心

則千古一揆也是以行無轍迹言無倣效總以此心

純一粹白相證於於穆之表而非從動業文章一一

較論也濂洛關閩以來大儒相繼輩出風會所值指

授各殊而道本於心先後若一學者不體驗於性情

潛菴先生遺稿 卷之一

五

踐履與古人相見於精神心術之間則為已功疎屋

漏難慊即著書滿家於道無當也惟知道之大原出

於天而體用具於吾心存養省察交致其功信顯微

之無間悟知行之合一喜怒哀樂必求中節視聽言

動必求合禮子臣弟友必求盡分蘊之為天德發之

為王道此學問之極功而尊信聖人之實事也然有

難言者正學不講俗牖日深利慾之根難斷巧偽之

術益工苟非乘本體之偶露急加體認擴充之力如

火始然泉始達悠悠玩愒歲月幾何轉眼遲暮蹉跎

同歸大禹之所以惜寸陰而尚書有取於若藥瞑眩  
豈不以此歎若曰吾志在於科名惟事揣摩帖括他  
不暇計焉是視聖賢六經祇爲富貴利達之資異日  
備

朝廷任使安能秉道絕欺愛國奉公不幾負

朝廷建學立廟之意乎余鄉人也誠願與鄉之後進  
互相砥礪使賢才輩出以報

君恩敢述所聞以告之遂爲記公名正性鄉貢士四

川萬縣人魏君名湛順治戊子舉人河南孟津縣人

潛菴先生遺稿

記

卷之一

幸

宋元以來學記之可傳者多矣然委曲指示使智

愚皆可勉而能無如此文之詳盡

梅公

使人皆有下手處吾鄉大夫士不可視爲常談有

負先生苦心也



重修蘇州府儒學碑記

康熙二十三年歲在甲子

天子以治定功成行古巡狩之禮冬十月

車駕至蘇州詢問民俗告誡有司還至曲阜祭先聖廟拜獻之儀視前代有加親灑宸翰題其廟額詔天下修葺學宮頒賜御書海內蒸蒸罔不從又斌時奉命撫吳祇謁廟學見殿廡門垣日就頽弛明倫堂岌岌欲傾慮無以仰承

聖天子興學重道之意受事方新未遑興作明年二

潘菴先生遺稿記

卷之一

至

月蠲俸倡始藩臬庶僚飭材鳩工黽勉襄事棗棟榑桷楹礎之殘缺者易之丹雘髹漆之漫漶者新之祠齋庖庫之久廢者興之締構堅貞典制具備泮水疏通遠接太湖松檜椅桐之屬種植千本閏十月而訖工於是躬率僚屬行釋菜禮定期講學於堂諸生執經問業遠近咸集又明年三月斌奉輔導東宮之命頻行進諸生而告之曰此地自范文正公建學胡安定立教於今六百餘年矣名卿巨儒項背相望諸生肄業於斯其所以紹述先哲仰答

天子作人雅意者果安在乎國家興治化在正人心而正人心在崇經術漢儒傳門名家師說相承當詩書煨燼之餘儀文器數之日刪定傳授之旨猶存十

一於千百且其時選舉不以詞章通經學古之士皆得上聞朝廷定大議斷大疑博士據經以對故其時

記

奎

士大夫勇於自立無苟簡之心孝弟廉讓之行更衰亂而不變此重經術之效也其後虛無寂滅之說盛聲律駢儷之習工而經學荒矣宋濂洛關閩諸大儒出闡天人性道之源流故天下知性不外乎仁義禮智而虛無寂滅非性也道不外乎人倫日用而功利詞章非道也所謂得六經之精微而繼孔孟之絕學又豈漢以後諸儒所可及歟宋史道學儒林蓋爲二傳蓋以周程張朱繼往開來其師友淵源不可與諸儒等耳而道學經學自此分矣夫所謂道學者六經四書之旨體驗於心躬行而有得之謂也非經書之外更有不傳之遺學也故離經書而言道此異端之所謂道也外身心而言經此俗儒之所謂經也宗洙泗而禰洛閩人心之所以正也家柱史而戶天竺世



道之所以衰也。今聖朝尊禮先聖，表章正學，士子

宜知所趨向矣。吾恐朝廷以實求而士子終以名應

也。苟無驚乎其名而致力於其實，則亦曰躬行而已。

矣。故學者必先明義利之界，謹誠僞之關，則貧富貴

賤之非道不處，不去必割，然也。造次顛沛，生死禍福

之間，不可移易者，必確然也。毋爲枉尺直尋之事，毋

作徒選苟得之謀，寧拙毋巧，寧朴毋華，寧方毋圓，戒

懼慎獨之功，無時可間。子臣弟友之職，不敢不勉，不

愧於大廷，亦不愧於屋漏。如此則發爲議論，自能息

潛菴先生遺稿記

卷之一

邪距諛而鄉愿，楊墨之教不得騁也。出爲政事，自能

尊王黜霸而管商申韓之政不得施也。其斯爲真經

學，其斯爲真道學也。已否則剽竊浮華，苟爲譁世取

寵之具，講論踐履，析爲二事，卽誦說先儒世道，亦何

賴乎。當文正公時，中庸猶雜戴記中，公獨舉以授橫

渠，則公之深於經學可知矣。安定之教以經義爲本，

當時太學取以爲法。宋世人才之盛實基於此。諸生

爲鄉邦後進來遊來觀，其亦有所興起乎。蘇郡人文

實四方所則效也，所以佐成聖朝之治化者，予實

有厚望焉。諸生請書其言爲記。斯役也。江蘇布政使章欽文、蘇松督糧道副使劉鼎、蘇州知府胡世威、或總理工費、或分司督察、而心計指授、巨細不遺者、鼎之力爲多。司學事者、教授吳世恒、訓導張杰也。例得並書。

其引范胡兩君子非止取其於蘇關合也。至曰明義利謹誠、僞審貧賤富貴、盲微而心切此文之有。功於世道人心者大矣。梅公

於平實中發揮精到、由其途人人可以自力極其

潛菴先生遺稿

記卷之一

高

詣聖賢有所不能外、可謂言近指遠。

世道人心者大矣

義利謹誠、僞審貧賤富貴、盲微而心切此文之有

其功於世道人心者大矣

並書

其功於世道人心者大矣

其功於世道人心者大矣

其功於世道人心者大矣

其功於世道人心者大矣



潼關衛儒學重建啟聖祠記

潼關用武之地也。然以文教爲先，衛學之設舊矣。崇禎末，燬諸兵，重葺於順治之十有一年。而規模猶多未備。越三年，予蒞關，朔望謁廟，見啟聖祠獨闕，大懼無以妥先聖之靈而仰副

朝廷明倫教孝之意。亟鳩工庀材，建祠三楹，前列門坊，旣訖，工偕官紳暨博士弟子行祭告禮，咸請予文以爲記。竊惟學宮之有啟聖祠也，蓋本宋熊永明宋濂諸公之議，而嘉靖間張孚敬請而行之者也。父子

潛菴先生遺稿

記卷之一

奎

祖孫德不素倫，祀不素序。其於典禮可謂至矣。然吾於從祀諸賢，猶不能無議者。考之家語，七十弟子中，孔弗字子茂，史記作孔忠，通典作孔患，大抵字畫之譌，自爲一人。本孔子兄之子，於子思爲從伯叔行。今子思配饗堂上，而子茂列之廡下，於禮未協。程敏政曰：學宮雖傳道之地，未有外人倫而言道者。則子茂當從顏路曾皙之後，移祀於啟聖祠，屬行伯魚可也。又聖道傳授，獨稱曾子，而名不列於四科，蓋四科十子，皆陳蔡相從之徒，魯論追而記之，自唐宋以來，顏

子配饗。因進曾子以補其末。後以曾子配饗。復進子張以補其末。則是四科諸賢後之人。皆得下而上之。

正之。禮。

此爲可。以。爲。聖。

出而入之矣。然傳紀所載有若立言明道。動協規矩。孔子既歿。弟子欲事之如師。公西華嫻於禮儀。原思清靜守節。貧而樂道。宓子賤愛人親賢。名齊君子。子羔克執親喪。遇變不惑。南宮适捫舌慎躬。世清不廢。世濁不洵。孔子俱亟稱之。夫六子之賢。不下於冉有宰我輩。而終不得列於十子之後。陸沉七十子中。側居廡下。吾不知其相安否也。蓋四科十子。旣爲陳蔡潛菴先生遺稿。記卷之一

矣

相從之徒。原非杏壇一定之格。以之進曾子可也。以之進子張可也。以之進有若等六子亦無不可也。予記建啟聖祠而並附其議於後。亦以備兵茲土。不敢不加意文教。釐正祀典。然而非其職也。潼關天下之衝。輪蹄往來。旁采芻蕘。獻諸

當守議而行之。竊自附於洪熊二君之後。庶幾於典禮少有裨哉。若以其言之無當。而哢哢斯記云也。予滋思矣。工始於二月甲戌。成於三月戊午。襄斯役者。撫民同知劉肅之。衛守備楊文彩。例得併書。



由孔忠而并及有若六子是借題發議也  
梅公

議亦有補

潛菴先生遺稿

記  
卷之一

卷



第...行...  
第...行...

由...而...其...  
由...而...其...  
由...而...其...

嵩陽書院記

嵩陽書院在登封縣城北。建自五代。宋初與睢陽白鹿岳麓號四大書院。其地負嵩面頰。左右少室箕山。諸峯秀矗雲表。中天清淑之氣。於是焉萃。至道中。賜九經。子史。置校官。生徒至數百人。稱最盛。二程子嘗講學於此。後人因爲建祠。明末兵亂。傾圮殆盡。國朝崇儒右文。知縣事黃州葉侯。封建堂三楹。祀二程朱子。而以地隣崇福宮。凡宋臣之帶崇福宮銜者。皆祀之。葉侯旣遷京職。邑人大名兵備副使逸菴耿先生。

潛菴先生遺稿記

卷之一

亥

介家居講學。以程朱爲道統所宗。不當與諸賢列。復蠲貴建堂三楹。遷王崇祀。又作講堂三楹。顏曰麗澤。旁署兩齋。曰博約。曰敬義。書舍若干楹。庖漏門垣。具備。自康熙十八年春。至次年秋。訖工。知縣事長洲張侯。璽以興起斯文爲任。月吉講學課藝。其中多士。彬彬向風。逸菴作書屬余爲記。余適承乏史局。方恨不得從事。几席與聞緒論。其何敢辭。然逸菴之意。豈欲余記營建歲月而已乎。或欲有言以告多士也。竊以孔子教人之書。莫詳於論語。當時及門稱顏子爲好。



學嘗與終日言而不違者今所記不過問仁問爲邦  
二章而已然天德王道備矣顏子謂夫子循循善誘  
博文約禮今他無可考卽二章思之意者虞夏商周  
之禮樂制度卽所謂博文而克己復禮之訓卽所謂  
約禮與特學有體用問有先後耳中庸言明善誠身  
而列其目亦自博學審問始孔子言知不廢多聞多  
見而語子貢以一貫則又以多學而識之者爲非其  
所以一貫之旨終隱而不發卽與門弟子言求仁之  
方爲仁之要多矣而仁之體則罕言也豈聖人之過

潛菴先生遺稿

記  
卷之一

堯

爲隱與及讀易乾卦彖傳與中庸首章而後知道之  
大原莫明於斯也蓋道之大原出於天而仁者天道  
之元也知天人同原則知吾心與天地流通而往來  
無間民胞物與之念油然而生而戒慎恐懼自不容

已故程子謂學者須先識仁以此也然仁之爲體非

可口傳耳授也在人之默識耳孔子自十五志學至

能立不惑五十而後知天命也以大聖人而若此則

知命亦難矣今之講學者聚數十百人於堂而語之

曰天命云何心性云何將大木大原皆爲口耳影響

指點本體

提撥工夫

深戒喫病

之談學者於俄頃之間與聞性道之秘其不至作光景玩弄視詩書爲糟粕禮儀三百威儀三千爲粗迹也幾希矣斯亦講學者之過也夫道無所謂高遠也其形而下者具於飲食器服之用形而上者極於無聲無臭之微精粗本末無二致也孔子語顏子曰非禮勿視非禮勿聽非禮勿言非禮勿動而語樊遲曰居處恭執事敬與人忠聖人與上智中材所言皆不越是蓋以天命流行不外動容周旋而子臣弟友卽可上達天德所謂無行不與者此也所謂知我其天

潛菴元三遺稿

記

卷之一

十

者此也今功利詞章舉業技藝之習陷溺人心士子窮年矻矻志在利祿名譽而天之所與我者茫然也是其學迴非聖人之學矣夫中庸之博學將以篤行也顏子之博文將以約禮也大易之窮理將以盡性而至命也大學之格物將以修齊治平也今滯事物以爲窮理未免沉溺迹象旣支離而無本離事物以言致知又近於墮聰黜明亦虛空而鮮實學路久迷習染日深偶爾虛見未爲真得非默識本體誠敬存之綿綿密密不貳不息前聖心傳何能會通無間故



曰苟不至德至道不凝焉嗚呼豈易言哉逸菴之學  
以至敬爲宗以體天理爲要可謂得程朱正旨矣吾  
懼學者之易視之也故因記書院而詳言之欲其深  
思而自得之焉張侯明經起家治行多可紀於逸菴  
相與有成尤足嘉也吾又懼來者之不能繼故備書  
之以告後之君子

箴硯口耳影嚮之談而示以切實下手處何等苦  
心然由其途者鮮矣

梅公

以識仁體爲標的以循日用爲入門以資口耳齋

潛菴先生遺稿

記

卷之一

主

高遠爲至戒以默識爲歸宿以誠敬爲工夫爲人  
極其切矣然文體澆養學者苟非細細尋求恐難  
得其要領

慶都縣堯母陵廟碑記

堯母陵在慶都縣城東門內封之盈丈陵之前有廟焉。慶都於漢爲望都。張晏曰堯山在北。慶都山在南。登堯山見都山。故以爲名。迨金源乃更今名。考秦始皇七年攻龍孤。慶都還兵攻汲。則其名邑古矣。堯母陳鋒氏。或曰陳鄴。或曰陳隆。爲帝嚳第三妃。見於史記。見於世本。見於大戴氏禮記。堯以唐侯升爲天子。始封於唐。皇甫謐謂中山唐縣是也。故山曰堯山。水曰唐水。城曰唐城。池曰唐池。謐又言望都山堯母慶

潛菴先生遺稿

記卷之一

主

都之所居邑。既有堯祠。思堯之德。畏其神。追祀其母。固其宜爾。歐陽修以史記地志諸書無堯母葬處。得漢建寧五年成陽靈臺碑文。曰慶都仙沒。蓋葬於茲。欲人莫知名。曰靈臺上立黃屋。堯所奉祀。遂定堯母葬處在成陽。而郭緣生述征記有云。成陽縣東南有堯母慶都墓。上有祠廟。酈道元注水經亦云。成陽城西二里有堯母慶都陵。審是則堯母之葬在濟陰可據矣。雖然。成陽之碑稱蓋葬於茲。蓋也者。未敢信之辭。堯既封於唐矣。母之終安知不於唐葬之故。士而



妥其。竟。鬼。焉。此亦事理之可信者也。廟凡三楹。列以兩廡。康熙二十四年秋。天久雨。廟圯。水穿陵露穴。知縣事錦州蔣侯國楨。出俸錢治之。以磚築陵之四旁。

外設重垣。塗飾廟貌。建坊於前。題曰堯母陵。余自江

南奉召入都。過之。請余爲文勒之石。余按帝嘗妃十

人。堯母之外。其著者有邵氏。有娥氏。詩言赫赫姜嫄。

有娥方將。是已。嫫。訾。氏。常儀生摯。鄒屠氏生八英。義

和生晏龍。當時卜其四子。皆有天下。而有邵生棄。則

云履大神跡。有娥生高。則云亂遺卵吞之。其事甚怪。

潛菴先生遺稿記卷之一

或以爲釋經之誤。至於堯母。更謂其觀於三河。感赤

龍而生堯。何其誕也。以堯之神聖。則其母之遺蹟固

不可以不治也。因侯之請。述所聞於古者。兼爲神絃

詩俾侯歲時授工歌焉。辭曰。

帝高辛兮十其妃。伊堯母兮降斗維。歲闕逢兮涪灘。

丹陵側兮三河干。震夙兮生子。望舒盈兮十四。析土

兮陶唐。望都山兮母之鄉。千秋兮萬歲。思帝懷兮罔

替。列祖兮執籥。薦馨香兮母前。靈之來兮續紛。覆輪

囿兮黃雲。靈之逝兮婀娜。從彤車兮駕白馬。覲舞兮

巫歌會鼓兮傳芑陵不崩兮廟不改邦人祀事兮永  
久

不獨似昌黎黃陵廟碑極似朱子昌黎年譜考譌  
人知先生爲道學豈知其無書不讀如此 梅公

考據詳密文氣疎越足方黃陵廟碑嗚呼聞希聲  
而娛心咀太羹而知味有幾人哉

潛菴先生遺稿

記  
卷之一

七

八  
至相會道合辨焉則不備兮感不測哉人斯事兮



重建漢太尉楊公饗堂碑記

華陰城東三十里有漢太尉楊公墓。按本傳，公於延光中爲太尉，以忠直被放，歸飲酖卒於夕陽亭。順宗卽位，門人虞放、陳翼詣闕追訟公事，詔以禮改葬。公於華陰潼亭，祀以中牢。此卽其地也。予以丙申備兵潼關，獲展謁墓，下見兵亂之後，堂基頽廢，周垣盡圯。蔓草荒烟，碑板縱橫，愴然而嘆者久之。會歲歉未遑興作。越明年，謀於縣令劉瑞，遠起而新之，爲饗堂二間，峻其垣墉，旁廡屏門，渠渠巖巖，碑碣之什者起泐。潛菴先生遺稿記卷之一蓋者續。役罔妨農財，匪帑出兩闌月而告成。予嘗讀漢史至公事，未嘗不嗚咽流涕云。蓋漢至安帝而亂甚矣。王聖以保嫗之勤，與女伯榮出入宮掖，金吾常侍轉通貨賂，至劉環一配阿母女，得襲侯封，下詔爲起津城門內第舍，連楹刻棟，窮山採石，車駕東巡，宴然不顧。當是時，公卿大夫奔走貴戚，惟恐不及，而公欲以區區一掌力挽頽波，抑亦難矣。夫地震星變，天之所以告誡人主者，乃反借以收太尉印綬，何其謬也。或有咎公以不早去者，嗚呼！大臣之義，不可則止。豈

公之賢而不明此乎。蓋公以自高祖來，楊氏世有功大。臣。申。君。權。躬。之。也。何。如。於國而公位列上相，職匡社稷，誠不忍見主心惑於群小，與殺身而君或悟也。當其時去光武明帝之世未遠，使帝側席悔過，慨然於建武永平之不績，屏絕寵倖，委任忠直，則東漢之隆尚或未艾。觀其語門人諸子雜木布被數言千載而下，誰不爲之感泣者，乃能致大鳥之祥而卒不能回安帝之聽，此漢祚所以不永而公之無可如何者也。於戲傷乎！雖然公歿後子孫相繼爲太尉，若秉若賜若彪，並著清節，衛主於

潛菴先生遺稿

記

卷之一

吳

崎嶇危難之際，使卓操輩睥睨神器而不敢舉，直至劓撓數極，潛移運祚，士君子猶有感其遺教，甘覆折而不悔者，謂非公之餘烈使然與？儒者不察猥以潛先。生。詔。我。身遠害之道議王臣，匪躬之節吾未見其可也。夫太

華函谷之間，由漢以來，勲業著於當時，名字勒於彝鼎者衆矣。然皆湮滅無復，暗記所遺墓宮，至有收豎箕踞嘯傲於其上，鄉里後進不知有斯人之墓，四方遊士驅車過之，亦無有肅然而起敬者。公自改葬以迄於今，雖屢經變革，祠宇嘗有傾圯，而子孫環廬錯



處歲時祭祀不輟今予一倡而鄉士大夫響應恐後  
四方君子登其堂覽其跡者想見公之風聲氣烈猶  
低徊流連不能去嗚呼是可以知公矣上起於丁酉  
仲冬成於戊戌孟春予因縣令鄉士大夫之請乃爲  
之記並論公事以刻石

潛身非匪躬之節豈託之空言者文亦矯勁

梅公

深明大臣之義見明哲煌煌誠全軀保妻子之借  
題有志匪躬者不忍用也

在顏魯公徐孺子祠堂記之間

潛卷先生遺稿

記

卷之一

七

潼關樓刻詩記

潼關古桃林地也。太華峙其西，崤函踞其東。秦山廻合，萬峰刺天。河渭屈盤，千壑奔會。崖谷崗嶺，環抱叢倚。道路狹峻，車馬如束。真天造奇險，爲秦關闔。且南控武關之隘，北扼蒲津之阻。握函夏之樞紐，鎖川隴於堂奧。漢唐以來，莫不倚爲巨鎮。以資藩屏。兵火之後，城垣傾圯，樓櫓半缺，廢址荒煙。過者爲之躊躇而悽愴。順治十三年，斌奉

命飭兵茲土，自顧庸菲，不足當斯重寄。恒惴惴自恐。

潛菴先生遺稿

記卷之一

夫

仰賴朝廷德威，遐被數千里外。如在輦轂之下，故承乏三年，兵強吏馴，士習民安。乃謀寮屬，重建城樓。賞皆蠲俸，役罔妨農。工旣成，集古人過關題詠之詞。自唐明皇以下，凡一帝十有八人，爲詩二十九首。刻於東門樓壁。嗚呼！當明皇停鑿關上，與侍從唱和其時。君臣樂豫，海寓清寧。登嵩躡岱，勒石銘功。可謂極盛。未幾而漁陽變起，雄師告潰。關塞失守，六龍西幸。豈山河之險不足恃，與抑成敗之故，皆自於人也。孟子曰：地利不如人和。吳起曰：在德不在險。有國家者。



修德以懷遠。和人以守國。則雍容樽俎。偃戈休甲。彼  
放牛歸馬之盛。此非其故墟哉。後之君子。登斯樓也。  
眺山川之雄勝。覽昔人之詠歌。古今興衰之感。制治  
保邦之要。亦可以慨然而思矣。

潼關天險。關此知萋敬之說。未盡合於王道。  
極有關係文字。當與閩江樓記并傳。  
梅公

潛菴先生遺稿

記  
卷之一

堯

重修乾明寺碑記

數行古澁

睢州城西北隅有寺曰乾明。按通志。元至正元年建。考元人碑記云。國初寺基河患方橫。則在元。卽重修。非初建矣。或曰。寺在唐宋爲楞伽禪院。蘇文忠公於紹聖元年將適嶺表。遇雨信宿於此。書松醪賦。後人

漏冷勁疲

爲之建亭刻像。鑄賦於石。文士往往構別業於旁。其地有林木水竹之勝。河屢遷湮沒不常。其沿革未能盡考也。余幼時來遊。見壁間有高子業吳明卿題字。皆擘窠大書。道媚可觀。餘不能盡識。意以坡公遺蹟

潛菴先生遺稿

記卷之一

今

故來遊者衆歟。寺東南有斷塔欹側如將傾者。明崇禎末以寇亂毀塔得石記。言塔去則河當徙。城當廢。土人異之。未幾壬午三月。闖賊破睢州。九月河決汴梁。水由寺北隄口入。直灌州城。舊城遂廢。石記歷歷皆驗。豈區區一塔果關興廢歟。抑偶然歟。或物之成毀有時。精易數者類能爲之。非甚異事歟。城陷後。值鼎革。未暇言治河。遂爲巨浸者七載。吳越荆楚之賈。高檣巨帆。出入城郭。闖間余嘗乘舟過此。見蒲葦蓮芡一望無際。白鷺飛鳴。與漁歌相答。鐵佛像斜立。



歐濤中嗟嘆者久之。順治十七年，河涇地出，僧真元募資建大殿三間，棟楹堅壯，像設具備，僧院禪堂次第畢舉。介袁進士紆生請記，久未及爲。其請益力，聞形家言此寺於州風水有裨，余未習其說。然州地最窪下，寺當河衝，巋然峻峙，有獨障狂瀾之象。形家言或不謬。又州以屢湮，故古蹟蕩然。此寺建立數百年，滄桑陵谷，變幻無常，而樓閣莊嚴，壞而復新。當紹聖改元，正坡公遭讒放逐之時，遊戲翰墨，不怨不戚，風流猶可想見。彼張商英趙挺之輩，果安在哉！其荒墳斷碣，亦有過而留連者乎？寺東錦水淪漣，西則古城長堤，煙柳映帶，南望雉堞樓臺，參差如畫，可以備詩人之吟眺。而鐘魚磬板，經聲梵唄，繚繞於曉風殘照之間，於以消塵慮而發深省，不可謂非真元之績也。若其年逾七十，精神強健，事必期其成功，必要其久乞言專誠，十載弗懈，此亦足激發吾黨何忍以廬居火書之論却之故爲之記。

閒閒叙來嶽崎歷落，何異子厚永州諸記。

梅公

零碎收拾似菱谿石記，而點染蒼涼過之，結處不

潛菴先生遺稿

記卷之一

全

用回護地步自高

潛菴先生遺稿

記  
卷之一

全

佩園藏書



田烈婦孫氏殉節碑記

烈婦孫氏。歲貢生胤光之女。性貞靜。通女誡。大義年十七。歸處士田雲龍。雲龍躬耕自給。烈婦荆布操作。相對如嚴賓。康熙六年夏。酷暑。雲龍行吟潭上。解衣游泳。雨後水大漲。遂溺死。烈婦撫尸長號。盡鬻簪珥之屬。治二棺。先以一殮雲龍。遂自縊。家人亟救得甦。其父勸慰曰。汝父在。獨不相念乎。烈婦曰。在家事父。既嫁事夫。禮也。從一而終。有死無二。古之訓也。夫亡與亡。計之熟矣。其父無以難。第令諸娣姒防護之。烈

潛菴先生遺稿

記

卷之一

三

婦哀泣。勺水不入口。見防衛且密。乃給曰。我今不死矣。須葬後再爲計也。與諸娣姒營喪事。至夜分。諸娣姒大半睡去。烈婦呼之醒。曰。若不懼我死乎。因與之長談。至四鼓盡。諸娣姒困不能支。皆熟睡。烈婦遂自經。夫樞側。蓋六月十九日也。睢陽之人無遠近。皆知田氏之有烈婦也。孫氏之有賢女也。縉紳儒林歌詠之。郡大夫式其廬。里人相與釀金立石。而請余一言傳其事。竊惟夫婦大倫。一醮不改名之口信。是謂庸德。宜若非人所難者。然詩三百篇。以節著者。共姜一

人而已春秋去古未遠二百四十年之間全節不失  
婦道者惟紀伯姬何寥寥也茲觀烈婦亦何忝焉今  
朝廷方敦崇節義竹看太史採風綸音寵賁勒之青  
史以爲彤管光或輶軒失採而刻銘道周芳魂靈氣  
猶將翱翔茲地土魍木夔亦知呵護此石永不顛踣  
卽星霜遷易歲月滋古蔦蘿蒙蘚苔蘚剝蝕好古之  
士摸而傳之可以補史氏之闕而烈婦姓氏終以不  
沒於世則世之砥行礪節者無慮湮滅不彰矣

末一段懼其湮沒藉碑而傳所以備史氏之遺也

潛菴先生遺稿

記卷之一

梅公

舍

敘次勁潔末幅跌宕有鬱勃之色



重修中州會館記

中州會館在宣武門之左。舊爲梁司徒公別墅。所謂銀灣曲也。順治十四年。同鄉官都下者。損貲購得。改建會館。宗伯薛公爲記其事。歲久漸頽。屢議修治。以艱於費。弗果。越康熙十八年秋。地震傾圮殆盡。時都諫王君子厚。方主館事。蠲俸以倡。同籍各輸金。有差鳩工庀材。中翰王君三雪。身董其役。再闕月而訖。工於是鄉之諸大夫士。置酒其堂。謂不可以無記。而屬文於余。余謂國家畫十五方域。而京師其都會也。

潛菴先生遺稿

記

卷之一

三

凡鄉之仕於朝者。官階之崇卑。職掌之鉅細繁簡。不侔也。分曹治事。有朝會而外。終歲未嘗過從者矣。其官於外。或數百里。或數千里。聲問不相通。有一旦以奉表述職而至者矣。有貢舉於鄉。以應試謁選而至者矣。亦有京朝官。出秉節鉞。備藩臬郡守之任。倏而數百里。數千里。聲問不相及者矣。幸而聚於一時。則極人情。娛樂之事。作緣起歲時伏臘。會集讌饗於同朝事。

王之時。修親睦鄉曲之義。豈不謂行古之道乎。都諫斯舉。洵爲知所務也。余更三復宗伯之記。稱述吾鄉

先哲若李文達劉文靖之相業顧軒兩都憲之清直

馬端蕭許襄毅之武功何文定崔文敏之文章氣節

屬望後人希慕風烈交相砥礪斬漸引入猶非正不在飲食燕衍相徵

逐用意可謂深且厚矣余謂諸公德業蓋有所本亦

在其學而已中州文章莫盛於昌黎其學闢佛老崇

仁義得聖道之大端論者以為精微之蘊猶有未究

其極者至兩程子出獨深探原本窮理盡性接千古

不傳之統故程子者實儒學之大宗而鄉之後進所

當奉為準的者也若許文正姚文獻講學蘇門佐元

潛菴先生遺稿記卷之一 矣

與太平之運而明之曹正夫倡道嶠澗距邪閑正居

一代理學之冠其後尤季美孟叔龍紹述於洛西魯

正卿呂叔簡振興於宋郡呂忠節闡釋孝經賀景瞻

發明春秋劉文烈力任風教大節皎然數君子皆不

惑於功利權謀詞章技能之習而確然有以自信者

也誠得其所以為學以之事君必忠以之事親必孝

以之交友必信於前修之事功風節不規規求合吾

見其無不合也夫程子之學以至誠為聖功之極以

乎敬為入德之要凡與斯會者揖讓進退必準於禮



可。否。然。諾。必。揅。諸。道。敬。存。於。心。貌。恭。非。敬。也。敬。而。後。能。誠。非。敬。無。以。爲。誠。也。以。此。交。修。弗。怠。庶。不。墮。先。哲。之。遺。教。於。以。勉。盡。職。業。報。

朝。廷。之。知。遇。非。徒。講。鄉。曲。之。情。歲。時。伏。臘。聚。會。燕。好。之。數。數。也。古。人。無。在。而。非。學。故。敢。推。廣。前。記。與。諸。君子。共。勉。之。

於李劉軒顧諸公外又推原到昌黎伊洛諸賢所謂更上一層也此是絕大文章不徒作記序觀梅公

潘巷先生遺稿記

記  
卷之一

七

於此可驗先生顧諟時保之學○文格酷似有美堂記而純雅非其所及

重建信陵君祠記

開封舊有信陵君祠在上方寺之右雲杜李本寧宗伯宦梁時所建也崇禎壬午沒於河今國家承平

三十年廢典漸次修復而信陵祠獨缺永平韓子客

感。慨。歎。歎。寓。情。無。限。

遊梁嘆曰茲非魏都耶夷門之墟猶有侯嬴朱亥若

而人乎使當時無信陵則侯嬴朱亥亦以監門市屠

老耳巖穴不乏人能識人不耻下交者世不數見也

於是借寺僧卽其祠地土中求得雲杜故碑釀金建

祠以侯朱配仍舊也韓子又曰侯生猶魏產耳若毛

潛菴先生遺稿記

卷之一

六

公薛公固生於趙爲平原所簡賤而羞與爲伍者也  
信陵何自而得之卒賴其言趣駕救魏率五國之兵  
敗秦師至函谷關而還信陵之終不失臣節於魏者  
二公力也徒以非魏產而不祀非闕典歟補主列侯  
朱之次旌功也所謂禮以義起者也工旣訖請於官  
春秋致祭復選石刻史記魏公子列傳立祠中過睢  
陽請余爲之記余酌酒與韓子曰君燕趙布衣也未  
嘗縮綬分符有修復舊典表章古烈之任者也何汲  
汲爲此得無悼淪落之難偶慨知己之莫遇與信陵



曠世而相感乎夫信陵以正絕好議論豈獨以好客重乎秦之併六

國也此古今一大變局也趙與魏爲唇齒而魏與五國爲藩維信陵用兵雖太公穰苴無以加焉使當時不以讒廢則秦不得滅魏魏不滅則五國不至折而入於秦卽信陵一旦以老病死其知人下士如此必能得如信陵者而託國焉暴秦之虐不能及於天下矣其以毀廢也飲酒近婦人而卒其亦不忍見天下之遽歸於秦而求速畢一朝之命乎李牧死而趙亡信陵死而魏亡始皇之肆威於海內天也漢高過大

潛菴先生遺稿

記卷之一

完

梁而以太牢祠之也其亦有見於此乎信陵墓在揚州門外河流變遷湮沒不可問矣此祠之建其不可已也遂爲之記韓子名鼎業字子新博學好古慷慨多大節此祠之建其一端云

信陵君戰國第一流不當與三公子同傳李本寧一碑言之甚詳且能發明公子心迹閱此較雲杜之碑更多感慨令我對夷門而遐思

梅公

此所謂李太伯文多從大處說然非學有本原亦不能僥倖爲之議論固大行文更饒丰姿

星聚堂記

昔東漢陳太丘過潁川荀朗陵家太史奏德星見其  
占曰五百里內有賢人聚至今載諸史冊千古傳爲  
盛事吾謂太丘修德清靜進退合度可謂賢矣至荀  
淑博學高行其子號曰八龍然爽或並濡跡亂時有  
遺議焉何至上動天象哉疑當日諸公雅負重望一  
時傳會爲之蓋東漢標榜之習則然未必盡有其實  
也徵君孫先生隱居蘇門之夏峯天下望之如泰山  
喬嶽夏峯去孟城里許郭子驥臣別業在焉當風日  
潛菴先生遺稿記

卷之一

七

清和先生命駕往遊諸門人執經問難郭子載酒具  
饌以從蓋若堯夫之行窩云堂舊有題扁以避御諱  
先生爲更之曰星聚顧謂斌曰汝其記之斌謂先生  
孝友篤行當逆閹竊柄正人淪陷先生周旋其間脫  
然黨錮之禍似有類於太丘而道德純備不樂仕進  
不爲避隱憂天憫人守先待後則非太丘所能彷彿  
萬一也郭子先世宗伯大叅兩公清德直道炳耀前  
朝公隆公望克紹家學兩河詩禮名族首推郭氏亦  
似非荀氏所敢望昔漢高人關五星聚於東井宋太



和時五星聚於奎井秦分也。奎爲文章之府。漢宋兩朝人文最盛。已見於此。儒者師弟相聚。洙泗而後一聚於河汾。再聚於伊洛。至元初。姚公茂許平仲趙仁甫寶子聲共聚百泉之上。獨靜修家容城。然聲氣亦相往來。不可謂爲非聚也。先生生靜修之里而隱於蘇門。一時學士負笈從遊。無異隋之河汾宋之伊洛也。夫天人一理。人之精神原與天地流通。故嚴陵動客星之象。處士應少微之占。賢士聚於下。則德星聚於上。理固然也。將見司天占象室壁奎婁之間。當有潛菴先生遺稿記

卷之一

生

五星聚矣。彼潁川之事何足云云。斌庸陋無足比數。追隨杖屨於斯堂之上。以與郭子遊。亦不敢不自勉焉。

許昌星聚亭晦菴且爲贊贊之先生獨曰傳會蓋斥爽彘者卽所以誅董卓曹瞞也。又以見夏峰之賢。過於許昌此抑賓揚主法。

梅公

有針線而無收拾瀟灑襟期不以行文自局如此

石塢山房圖記

吳郡山水之佳爲東南最而堯峯名特著者則以汪  
鈍翁先生結廬故也。鈍翁文章行誼高天下嘗辭官  
讀書其中四方賢士大夫過吳者莫不願得其一言  
以自壯而鈍翁嘗杜門謝客有不得識其面者則徘徊  
石松柱之間望煙雲杳靄悵然不能去也。以此  
鈍翁名益重然亦有病其過峻者矣。王子咸中舊家  
吳市有亭臺池館之勝一旦攜家卜隣構數椽於堯  
峯之麓曰石塢山房日與鈍翁掃葉烹茗歛歌晏息  
潛菴先生遺稿

記

卷之一

全

鈍翁亦樂其恬曠賦詩以贈之稱相得也。鈍翁應  
召入都咸中復從之舍舟登陸千里黃塵追隨不少

其人其事都絕異尋常

倦蓋其有得於鈍翁者深矣。余嘗過吳門晤鈍翁於

城西草堂讀其所爲堯峯山莊諸詩慨然欲往遊未

果至京師始與咸中相見叩其所學大約以鈍翁爲

宗間出其山房圖請記。余旣心儀其爲人而又自悔

不獲身至堯峯以觀其所謂文石乳泉者猶喜得於

圖中想見其藤門蘿逕芒鞋竹杖相過從吟詠時也

乃撫卷歎息者久之。昔王摩詰輞川別業山水踞終



南之勝時有裴迪以詩文相屬和至今覽其圖畫所謂斤竹嶺華子岡彷彿猶想見其處摩詰在開元天寶間立身不無可議徒以文辭之工猶爲後人所豔慕如此鈍翁品行之高潔學術之正大有非摩詰所敢望者咸中志趨卓然其所進未可量或亦非僅僅裴迪比後人見之而嚮慕當何如也故爲之記

澹澹寫來鈍翁咸中銖兩不失可謂筆有化工

公

文氣如涼煙瘦鳥正可與煙霞之骨相配

澹菴先生遺稿

記卷之一

全

三聖廟碑記

睢州城東南三十里曰黑龍王廟不知所自始相傳昔時黑龍見因廟祀雩禱輒應萬曆中河水暴溢有關帝像沿流而至土人祠於其左後又立廟祀真武三廟鼎峙而黑龍王廟最久故名特著廟旁村逕窈折茅屋數十家務農桑無市販之習茂樹千章幽若林麓從叔父九式公愛之遂卜築焉嘗攜門人子弟讀書廟中觀棟宇毀頓釀賞新之時順治十四年也今二十餘載叔父墓木拱矣從弟鎬慮無以承先志

潛菴先生遺稿

卷之一

記

礪石請余爲記余承乏史局編摩無暇秋月卧病經旬懼負夙諾乃馳書告之曰叔父卜築於此也固愛其土風朴厚勤耕鑿以供賦稅也而其人知讀書重禮義則叔父之功實多其新此廟也所以聚一方之心志而使之爲善去惡也夫讀書以明禮義力田以給公上而又處乎遐陬僻壤無紛華市儈之習以誘其心則必能孝弟睦婣恭敬信讓爭競不作鄉里無怨如此而受多福宜也昔之盛時有司常令里民擇寬敞祠宇講鄉約讀律令禮法以匡迪之神明以感



動之故。荒村野叟。皆有士君子之風。今軍興。旁午不暇。修舉墜典。賢士居其鄉者。傲而爲之。固令甲之所不禁也。鑄欲承先志。亟亟於斯。是不可以無記。

着眼在讀書廟中。故馳書告誠。皆勉之以古道。古

風梅公

因事利誘。誨人不倦之仁。卽於此見。

晉菴先生遺稿

記卷之

七



用此

晉菴先生遺稿卷之七

晉菴先生遺稿卷之七  
用此  
晉菴先生遺稿卷之七  
用此



